



89629

詞

羨

辨

一

一

重刻詞選序

嘉慶二年余與先兄皋文先生同館欽金氏金氏諸生好填詞先兄以爲詞雖小道失其傳且數百年自宋之亡而正聲絕元之末而規矩隳窳宦不闢門戶卒迷乃與余校錄唐宋詞四十四家凡一百十六首爲二卷以示金生金生刊之而欽鄭君善長復錄同人詞九家爲一卷附刊于後版存于欽同志之乞是刻者踵相接無以應之乃校而重刊焉嗚呼憶余同先兄選此詞迄今已三十四年而先兄沒已二十九年矣當時之樂豈復可得今日之悲其何能已是選先兄手定者居多今故列先兄名而余序之云爾道光十年夏四月十有一日張琦序

詞選

序

詞選目錄叙

李太白一首 温飛卿十八首 無名氏一首

右唐詞三家二十首

南唐中主四首 後主七首 韋端已四首 牛松卿三首

牛希濟一首 歐陽炯一首 鹿虔扈一首 馮正中五

首

右五代詞八家二十六首

宋徽宗一首 晏同叔一首 范希文一首 晏叔原一首

韓玉汝一首 歐陽永叔二首 張子野三首 蘇子瞻

四首 秦少游十首 賀方回一首 趙德麟一首 張芸

叟一首 王元澤一首 周美成四首 田不伐二首 陳

詞選

目錄叙

子高二首 李玉一首 謝任伯一首 朱希真五首 辛

幼安六首 張安國一首 韓无咎一首 李知幾一首

姜堯章三首 尹惟曉一首 史邦卿一首 王聖與四首

張叔夏一首 黃德文一首 吳彥高一首 李易安四

首 鄭文妻孫氏一首 無名氏一首

右宋詞三十三家六十八首

凡詞四十四家一百十六首

叙曰詞者蓋出于唐之詩人採樂府之音以制新律因繫其

詞故曰詞傳曰意內而言外謂之詞其緣情造端興于微言

以相感動極命風謠里巷男女哀樂以道賢人君子幽約怨

悱不能自言之情低徊要眇以喻其致蓋詩之比興變風之



義騷人之歌則近之矣然以其文小其聲哀放者爲之或跌蕩靡麗雜以昌狂俳優然要其至者莫不惻隱盱愉感物而發觸類條鬯各有所歸非苟爲雕琢曼辭而已自唐之詞人李白爲首其後韋應物王建韓翃白居易劉禹錫皇甫湜司空圖韓偓並有述造而温庭筠最高其言深美閎約五代之際孟氏李氏君臣爲謔競作新調詞之雜流由此起矣至其工者往往絕倫亦如齊梁五言依託魏晉近古然也宋之詞家號爲極盛然張先蘇軾秦觀周邦彥辛棄疾姜夔王沂孫張炎淵淵乎文有其質焉其盪而不反傲而不理枝而不物柳永黃庭堅劉過吳文英之倫亦各引一端以取重于當世而前數子者又不免有一時放浪通脫之言出于其間後進詞選

目錄叙

二

宛鄰書屋

彌以馳逐不務原其指意破析乖刺壞亂而不可紀故自宋之亡而正聲絕元之末而規矩隳以至于今四百餘年作者十數諒其所是互有繁變皆可謂安蔽乖方迷不知門戶者也今第錄此篇都爲二卷義有幽隱並爲指發幾以塞其下流導其淵源無使風雅之士懲于鄙俗之音不敢與詩賦之流同類而風誦之也嘉慶二年八月武進張惠言

詞選卷一

張惠言錄

李太白

菩薩蠻

平林漠漠烟如織。寒山一帶傷心碧。暝色入高樓。有人樓上愁。玉階空佇立。宿鳥歸飛急。何處是歸程。長亭更短亭。

温飛卿 庭筠

菩薩蠻

小山重疊金明滅。鬢雲欲度香腮雪。懶起畫蛾眉。弄粧梳洗遲。照花前後鏡。花面交相映。新貼繡羅襦。雙金鸚鵡此

土不遇也。篇法彷彿長門賦。而用節節逆叙。此章從夢曉後領起。懶起二字。含後文情事。照花四句。離騷初服之意。

詞選

卷一

宛鄰書屋

水精簾裏頗黎枕。暖香惹夢鴛鴦錦。江上柳如烟。雁飛殘月

天。藕絲秋色淺。人勝參差剪。雙鬢隔香紅。玉釵頭上風。夢

提江上以下畧叙夢境。人勝參差。玉釵香隔。言夢亦不得到也。江上柳如烟。是關絡。

藥黃無限當山額。宿粧隱笑紗窻隔。相見牡丹時。暫來還別

離。翠釵金作股。釵上雙蝶舞。心事竟誰知。月明花滿枝。提

以下三章本入夢之情

翠翹金縷雙鸚鵡。水紋細起春池碧。池上海棠梨。雨晴紅滿

枝。繡衫遮笑靨。烟草粘飛蝶。青瑣對芳菲。玉關音信稀。

杏花含露團香雪。楊陌上多離別。燈在月朧明。覺來聞曉

鶯。玉鈎褰翠幙。粧淺舊眉薄。春夢正關情。鏡中蟬鬢輕。結

玉樓明月長相憶。柳絲裊娜春無力。門外草萋萋。送君聞馬



嘶。畫羅金翡翠。香燭消成淚。花落子規啼。綠窗殘夢迷。  
明月長相憶。又提柳絲裊。娜送君之時。故江上柳如烟。夢中  
情境亦爾。七章闌外垂絲柳。八章綠楊滿院。九章楊柳色依  
依。十章楊柳又如絲。皆本此柳。絲裊娜言之。明相憶之久也。

鳳皇相對盤金縷。牡丹一夜經微雨。明鏡照新粧。髻輕雙臉  
長。畫樓相望久。闌外垂絲柳。音信不歸來。社前雙燕回。

牡丹花謝鶯聲歇。綠楊滿院中庭月。相憶夢難成。背窗燈半  
明。翠鈿金壓臉。寂寞香闥掩。人遠淚闌干。燕飛春又殘。  
相憶

夢難成正是  
殘夢迷情事

滿宮明月梨花白。故人萬里關山隔。金雁一雙飛。淚痕沾繡  
衣。小園芳草綠。家住越溪曲。楊柳色依依。燕歸君不歸。

寶函鈿雀金鸚鵡。沈香閣上吳山碧。楊柳又如絲。驛橋春雨  
詞選

卷一

二

宛鄉書屋

時。畫樓音信斷。芳草江南岸。鸞鏡與花枝。此情誰得知。  
鸞鏡

二句結與心事  
竟誰知相應

南園滿地堆輕絮。愁聞一霎清明雨。雨後却斜陽。杏花零落  
香。無言勻睡臉。枕上屏山掩。時節欲黃昏。無繆獨倚門。  
下

乃叙夢此  
章言黃昏

夜來皓月纔當午。重簾悄悄無人語。深處麝煤長。臥時雷薄  
粧。當年還自惜。往事那堪憶。花落月明殘。錦衾知曉寒。  
此

臥時至曉所謂  
相憶夢難成也

雨晴夜合玲瓏日。萬枝香裊紅絲拂。閒夢憶金堂。滿庭萱草  
長。繡簾垂。翠綬肩。黛遠山。綠春水。渡溪橋。凭闌魂欲銷。  
此

正寫夢垂簾凭闌皆夢中  
情事正應人勝參差三句

竹風輕動庭除冷珠簾月上玲瓏影山枕隱濃粧綠檀金鳳  
皇兩蛾愁黛淺故國吳宮遠春恨正闌情畫樓殘點聲此言

夢醒春恨正闌情與五章春夢正闌情相對雙鎖青瑣金堂故國吳宮畧露寓意

更漏子

柳絲長春雨細花外漏聲迢遞驚塞鴈起城烏畫屏金鷓鴣  
香霧薄透簾幙惆悵謝家池閣紅燭背繡簾垂夢長君不

知此三首亦菩薩蠻之意驚塞鴈三句言懽戚不同與下夢長君不知也

星斗稀鐘鼓歇簾外曉鶯殘月蘭露重柳風斜滿庭堆落花

虛閣上倚闌望還是去年惆悵春欲暮思無窮舊歡如夢

中蘭露重二句與塞鴈城烏義同

玉爐香紅蠟淚偏照畫堂秋思眉翠薄鬢雲殘夜長衾枕寒

詞選

卷一

三 宛齋書屋

梧桐樹三更雨不道離愁正苦一葉葉一聲聲空階滴到

明

夢江南

梳洗罷獨倚望江樓過盡千帆皆不是斜暉脈脈水悠悠腸  
斷白蘋洲

無名氏

後庭宴

千里故鄉十年華屋亂魂飛過屏山簇眼重眉褪不勝春夢  
花知我銷香玉雙雙燕子歸來應解笑人幽獨斷歌零舞  
遺恨清江曲萬樹綠低迷一庭紅撲簌

南唐中主

浣溪沙

風壓輕雲貼水飛。乍晴池館燕爭泥。沈郎多病不勝衣。沙上未聞鴻鴈信，竹間時有鷓鴣啼。此情唯有落花知。一曲新詞酒一盃。去年天氣舊亭臺。夕陽西下幾時回。無可柰，何花落去，似曾相識。燕歸來，小園香徑獨徘徊。

山花子

菡萏香銷翠葉殘。西風愁起綠波閒。還與韶光共憔悴，不堪看。細雨夢回鷄塞遠，小樓吹徹玉笙寒。多少淚珠何限恨，倚闌干。

手卷真珠上玉鉤。依前春恨鎖重樓。風裏落花誰是主，思悠悠。青鳥不傳雲外信，丁香空結雨中愁。回首淒波三峽暮，接天流。

詞選

卷一

四

宛鄰書屋

後主

臨江仙

櫻桃落盡春歸去。蝶翻輕粉飛子規。啼月小樓西。玉鉤羅幕惆悵暮。烟垂別巷寂寥人散後。望殘烟草低迷。爐香閒裊。鳳兒空持羅帶，回首恨依依。

虞美人

春花秋月何時了。往事知多少。小樓昨夜又東風。故國不堪回首月明中。雕闌玉砌應猶在。只是朱顏改。問君能有幾多愁。恰似一江春水向東流。

浪淘沙

簾外雨潺潺。春意闌珊。羅衾不耐五更寒。夢裏不知身是客，一晌貪歡。獨自莫憑闌。無限江山別時容易見時難。流水落花歸去也。天上人間。

往事只堪哀。對景難排。秋風庭院蘚侵階。一桁珠簾閒不卷。終日誰來。金釧已沈埋。壯氣蒿萊。晚涼天靜月華開。想得玉樓瑤殿影。空照秦淮。

清平樂

別來春半觸目愁腸斷。砌下落梅如雪亂。拂了一身還滿。鴈來音信無憑路。遙歸夢難成離恨恰如春草更行更遠還生。

相見歡

詞選

卷一

五

宛鄰書屋

林花謝了春紅太匆匆。無柰朝來寒雨晚來風。胭脂淚相留醉幾時重。自是人生長恨水長東。無言獨上西樓。月如鈎。寂寞梧桐深院鎖清秋。剪不斷理還亂。是離愁。別是一般滋味在心頭。

韋端已

莊

菩薩蠻

紅樓別夜堪惆悵。香燈半捲流蘇帳。殘月出門時。美人和我淚。辭。琵琶金翠羽。絃上黃鸝語。勸我早歸家。綠窻人似花。

此詞

益留蜀後寄意之作一章。言奉使之志本欲速歸。

人人盡說江南好。遊人只合江南老。春水碧于天。畫船聽雨眠。鑪邊人似月。皓腕凝霜雪。未老莫還鄉。還鄉須斷腸。

此章

述蜀人勸留之辭卽下章云滿樓紅袖招也  
江南卽指蜀中原沸亂故曰還鄉須斷腸

如今却憶江南樂。當時年少春衫薄。騎馬倚斜橋。滿樓紅袖招。翠屏金屈曲。醉入花叢宿。此度見花枝。白頭誓不歸。

上云未老莫還鄉。猶冀老而還鄉也。其後朱溫篡成中原。愈亂。遂決勸進之志。故曰如今却憶江南樂。又曰白頭誓不歸。則此詞之作其在相蜀時乎。

洛陽城裏春光好。洛陽才子他鄉老。柳暗魏王堤。此時心轉迷。桃花春水渌。水上鴛鴦浴。凝恨對斜暉。憶君不知此

致思唐之意

牛松卿 嶠

菩薩蠻 花間集七首詞意頗雜蓋非一時之作詞餘刪存二首章法絕妙

舞裙香暖金泥鳳。畫梁語燕驚殘夢。門外柳花飛。玉郎猶未

詞選 卷一

歸。愁與紅粉淚。眉春山翠。何處是遼陽。錦屏春晝長。

綠雲鬢上飛金雀。愁眉斂翠春烟薄。香閣掩夫容。畫屏山幾

重。窻寒天欲曙。猶結同心苧。啼粉澹羅衣。問郎何日歸。

夢一點以下純是夢境章法似西洲曲

西溪子

捍撥雙盤金鳳蟬。鬢玉釵搖動。畫堂前人不語。絃解語。彈到昭君怨。處翠蛾愁不擡頭。

牛希濟

生查子

春山烟欲收。天淡稀星少。殘月臉邊明。別淚臨清曉。語已多情。未了回首。猶重道。記得綠羅裙。處處憐芳草。

歐陽炯

三字令

春欲盡。日遲遲。牡丹時。羅幌卷。翠簾垂。彩牋書。紅粉淚。兩心知。人不在。燕空歸。負佳期。香燼落。枕函欹。月分明。花淡薄。惹相思。

鹿虔扈

臨江仙

金鎖重門荒苑靜。綺窗愁對秋空。翠華一去寂無蹤。玉樓歌吹聲斷已隨風。烟月不知人事改。夜闌還照深宮。藕花相向野塘中。暗傷亡國清露泣。泣紅。

馮正中

延巳

詞選

卷一

七

宛鄰書屋

蝶戀花

六曲闌干偎碧樹。楊柳風輕。展盡黃金縷。誰把鈿箏移玉柱。穿簾燕子雙飛去。滿眼游絲兼落絮。紅杏開時。一霎清明雨。濃睡覺來鶯亂語。驚殘好夢無尋處。

莫道閒情拋棄久。每到春來。惆悵還依舊。日日花前常病酒。不辭鏡裏朱顏瘦。河畔青蕪堤上柳。爲問新愁。何事年年有。獨立小橋風滿袖。平林新月人歸後。

幾日行雲何處去。忘却歸來。不道春將暮。百草千花寒食路。香車繫在誰家樹。淚眼倚樓頻獨語。雙燕來時。陌上相逢否。掩亂春愁如柳絮。依依夢裏無尋處。

三詞忠愛纏綿宛然  
騷辨之義延巳爲人

專蔽嫉妬又敢爲大言此詞蓋以排  
間異已者其君之所以信而弗疑也

虞美人

玉鈎鸞柱調鸚鵡宛轉留春語。雲屏冷落畫堂空。薄晚春寒無柰。落花風。寒簾燕子雙飛去。拂鏡塵鸞舞。不知今夜月眉彎。誰佩同心雙結。倚闌干。

清平樂

雨晴烟晚。淥水新池滿。雙燕飛來垂柳院。小閣畫簾高捲。黃昏獨倚朱闌。西南初月眉彎。砌下落花風起。羅衣特地春寒。

宋徽宗

燕山亭

見杏  
花作

裁翦冰綃輕疊數重。冷淡臙脂勻注。新樣靚妝豔溢。香融羞殺蕊珠宮。女易得凋零。更多少。無情風雨愁苦。問院落淒涼。

卷一

八

宛鄰書屋

幾番春暮。憑寄離恨重。重這雙燕何曾會。人言語。天遙地遠。萬水千山。知他故宮何處。怎不思量。除夢裏。有時會去。無據。和夢也。新來不做。

晏同叔

殊

踏莎行

小徑紅稀芳郊綠。遍高臺樹色。陰陰見春風。不解禁楊花。濛濛亂撲行人面。翠葉藏鶯。珠簾隔燕。鑪香靜。逐遊絲。轉一場愁。夢酒醒時。斜陽却照深深院。

此詞亦有所與其歐公蝶戀花之流乎

范希文

仲淹

蘇幕遮

剪雲天紅葉地秋色連波波上寒烟翠山映斜陽天接水芳草無情更在斜陽外黯鄉魂追旅思夜夜除非好夢留人睡明月樓高休獨倚酒入愁腸化作相思淚此去國之情

晏叔原 幾道

臨江仙

夢後樓臺高鎖酒醒簾幕低垂去年春恨却來時落花人獨立微雨燕雙飛記得小蘋初見兩重心字羅衣琵琶絃上說相思當時明月在曾照綵雲歸

韓玉汝 續

芳草

鎖離愁連綿無際來時陌上初熏繡幃人念遠暗垂珠露泣

詞選

卷一

九 宛鄰書屋

送征輪長行長在眼更重重遠水孤雲但望極樓高盡日目斷王孫消魂池塘別後會行處綠妒輕裙恁時携素手亂花飛絮裏緩步香茵朱顏空自改向年年芳意長新遍綠野嬉遊醉眼莫負青春

歐陽永叔 修

蝶戀花

庭院深深深幾許楊柳堆烟簾幕無重數玉勒雕鞍遊冶處樓高不見章臺路雨橫風狂三月暮門掩黃昏無計留春住淚眼問花花不語亂紅飛過秋千去

庭院深深閣中既以遂遠也樓高不見哲王又不猶也章臺遊冶小人之徑雨橫風狂政令暴急也亂紅飛去斥逐者非一人而已殆為韓范作乎此詞亦見馮延巳集中李易安詞序云歐陽公作蝶戀花有庭院深深深深詞之句余酷愛之用其語作庭院深深數闕其聲即舊詞

江仙也易安去歐公未遑其言必非無據

臨江仙

柳外輕雷池上雨。雨聲滴碎荷聲。小樓西角斷虹明。闌干倚處待得月華生。燕子飛來窺畫棟。玉鈎垂下簾旌。涼波不動簾紋平。水精雙枕傍有墜釵橫。

色悽下月如半  
大抵而生小以  
人遊而自藏領  
只此人之歌

動簾紋平水精雙枕傍有墜釵橫

張子野先

天仙子

水調數聲持酒聽。午睡醒來愁未醒。送春春去幾時回。臨晚鏡傷流景。往事悠悠空記省。沙上竝禽池上暝。雲破月來花弄影。重重翠幕密遮燈。風不定。人初靜。明日落紅應滿徑。

色已嘗形多而  
本味

色曰君子初世而修  
吟若清妙

木蘭花 乙卯吳興寒食

詞選

卷一

十 宛鄰書屋

龍頭舴艋吳兒競。筍柱秋千遊女竝。芳洲拾翠暮忘歸。秀野踏青來不定。行雲去後遙山暝。已放笙歌池院靜。中庭月色正清明。無數楊花過無影。

色曰男為人必多  
難與上俗以字  
月明而楊花已  
舞若清妙

青門引

乍暖還輕冷。風雨晚來方定。庭軒寂寞近清明。殘花中酒。又是去年病。樓頭畫角風吹醒。八夜重門靜。那堪更被明月隔牆送過秋千影。

蘇子瞻 賦

賀新郎

乳燕飛華屋。悄無人、槐陰轉午。晚涼新浴。手弄生綃白團扇。扇手一時似玉。漸困倚孤眠。清熟簾外誰來推繡戶。柱教人

色曰上二首同是

夢斷瑤臺曲。文却是風敲竹。石榴半吐紅巾蹙。待浮花浪蕊都盡。伴君幽獨。穠豔一枝細看取。芳意千重似束。又恐被秋風驚綠。若待得君來。向此花前對酒。不忍觸。共粉淚。兩簌簌。

水龍吟 和章質夫  
楊花韻

似花還似非花也。無人惜從教墜。拋家傍路。思量却似無情有思。縈損柔腸。困酣嬌眼。欲開還閉。夢隨風萬里。尋郎去處。又還被鶯呼起。不恨此花飛盡。恨西園落紅難綴。曉來雨過。遺踪何在。一池萍碎。春色三分。二分塵土。一分流水。細看來。不是楊花。點點是離人淚。

洞仙歌 自序云僕七歲時見眉州老尼姓朱忘其名年九十餘自言會隨其師入蜀主孟昶宮中一日

詞選

卷一

宛鄰書屋

大熱王與花蕊夫人夜起避暑摩訶池上作一詞朱具能誦之今四十年朱已死久矣人無知此詞者獨記其首兩句暇日尋味豈洞仙歌令乎乃爲足之云

冰肌玉骨自清涼。無汗水。殿風來。暗香滿。繡簾開一點。明月窺人人未寢。欹枕釵橫鬢亂。起來攜素手。庭戶無聲時。見疏星度河漢。試問夜如何。夜已三更。金波澹玉繩低轉。但屈指西風幾時來。又不道流年暗中偷換。

卜算子

缺月挂疏桐。漏斷人初定。時有幽人獨往來。縹緲孤鴻影。

驚起却回頭。有恨無人省。揀盡寒枝不肯棲。寂寞沙洲冷。

此東坡在黃州作銅陽居士云缺月刺明微也漏斷暗時也幽人不得志也獨往來無助也驚鴻賢人不安也回頭愛君不忘也無人省君不察也揀盡寒枝不肯棲不偷安于高位也寂寞沙洲冷非所安也此詞與考槃詩極相似

秦少游觀

望海潮

梅英疏澹。冰澌溶洩。東風暗換年華。金谷俊遊。銅駝巷陌。新晴細履。平沙長記。誤隨車。正絮翻蝶舞。芳思交加。柳下桃蹊。亂分春色。到人家。西園夜飲。鳴笳有華燈。礙月飛蓋。妨花蘭苑。未空行人漸老。重來事。事堪嗟。烟暝酒旗斜。但倚樓極目。時見棲鴉。無奈歸心暗隨流水。到天涯。

滿庭芳

山抹微雲。天粘衰草。畫角聲斷譙門。慙停征棹。聊共飲離尊。多少蓬萊舊事。空回首。烟靄紛紛。斜陽外。寒鴉數點。流水遶孤村。消魂當此際。香囊暗解。羅帶輕分。謾贏得。青樓薄倖名存。此去何時見也。襟袖上空惹啼痕。傷情處。高城望斷。燈火已黃昏。

前調

晚色雲開。春隨人意。驟雨方過還晴。高臺芳樹。飛燕蹴紅英。舞困榆錢自落。秋千外。綠水橋平。東風裏。朱門映柳。低按小秦箏。多情行樂處。珠幡翠蓋。玉轡紅纓。漸酒空金榼。花困蓬瀛。豆蔻梢頭舊恨。十年夢。屈指堪驚。憑闌久。疏烟淡日。寂寞下蕪城。

江城子

西城楊柳弄春柔。動離憂。淚難收。猶記多情。曾爲繫歸舟。碧瓦朱橋當日事。人不見。水空流。韶華不爲少年留。恨悠悠。

幾時休飛絮。落花時候。一登樓。便做春江都是淚。流不盡。許多愁。

踏莎行

郴州旅舍

霧失樓臺。月迷津渡。桃源望斷無尋處。可堪孤館閉春寒。杜鵑聲裏斜陽暮。驛寄梅花。魚傳尺素。砌成此恨無重數。郴江幸自遶郴山。爲誰流下瀟湘去。

鷓鴣天

枝上流鶯和淚聞。新啼痕閒舊啼痕。一春魚雁無消息。千里關山勞夢魂。無一語對芳尊。安排腸斷到黃昏。甫能炙得燈兒了。雨打梨花深閉門。

海棠春

詞選

卷一

三

宛鄰書屋

流鶯窗外啼聲巧。睡未足。把人驚覺。翠被曉寒輕。寶篆沈烟裊。宿醒未解。宮娥報道。別院笙歌會。早試問。海棠花。昨夜開多少。

減字木蘭花

天涯舊恨。獨自淒涼人。不問欲見迴腸。斷續熏鑪。小篆香。黛蛾長歛。任是東風吹不展。困倚危樓。過盡飛鴻。字字愁。

浣溪沙

漠漠輕寒上小樓。曉鶯無賴似窮秋。淡烟流水畫屏幽。自在飛花輕似夢。無邊絲雨細如愁。寶簾閒掛小銀鉤。

生查子

眉黛遠山長。新柳開青眼。樓閣斷霞明。羅幙春寒淺。柝嫌

玉漏遲。燭厭金刀剪。月色忽飛來。花影和簾卷。

賀方回

鑄

○青玉案

淩波不過橫塘路。但目送芳塵去。錦瑟年華誰與度。月臺花榭。瓊窻朱戶。唯有春知處。碧雲冉冉蘅皋暮。綠筆新題斷腸句。試問閒愁都幾許。一川烟草。滿城風絮。梅子黃時雨。

趙德麟

合時

○錦堂春

樓上縈簾弱絮。墻頭礙月低花。年年春事關心事。腸斷欲棲鴉。舞鏡鸞衾翠減。啼珠鳳蠟紅斜。重門不鎖相思夢。隨意遶天涯。

詞選

卷一

十四

宛鄰書屋

張芸叟

舜民

○賣花聲

題岳陽樓

木葉下君山。空水漫漫十分斟。酒斂芳顏不是涓。城西去客。休唱陽關。醉袖撫危闌。天淡雲閒。何人此路得生還。回首夕陽紅盡處。應是長安。

王元澤

秀

○眼兒媚

楊柳絲絲弄輕柔。烟縷織成愁。海棠未雨。梨花先雪。一半春休。而今往事難重省。歸夢遶秦樓。相思只在。丁香枝上。豆蔻梢頭。

詞選卷二

張惠言錄

周美成

邦彥

六醜

薔薇謝  
後作

正單衣試酒。悵客裏、光陰虛擲。願春暫留，春歸如過翼。一去無迹。爲問家何在，夜來風雨，葬楚宮傾國。釵鈿墜，處遺香澤。亂點桃蹊，輕翻柳陌。多情更誰追惜。但蜂媒蝶使，時叩窻榻。東園岑寂。漸蒙暗碧，靜遠珍叢底，成嘆息。長條故惹行客，似牽衣待話，別情無極。殘英小，強簪巾幘。終不似、一朵釵頭顫。裊向人、敲側。漂流處，莫趁潮汐。恐斷紅，尙有相思字，何由見得。

詞選

卷二

宛鄰書屋

蘭陵王

柳

柳陰直。烟裏絲絲弄碧。隋堤上、曾見幾番，拂水飄緜送行色。登臨望故國。誰識京華倦客。長亭路、年去歲來，應折柔條過千尺。閒尋舊跡。又酒趁哀絃，燈照離席。梨花榆火催寒食。愁一剪風快半篙波暖，回頭迢遞，便數驛。人在天北。悽惻恨堆積。漸別浦縈迴，津候岑寂。斜陽冉冉春無極。念月榭攜手，露橋聞笛。沈思前事，似夢裏、淚暗滴。

花犯

梅花

粉牆低。梅花照眼，依然舊風味。露痕輕綴，疑淨洗鉛華，無限清麗。去年勝賞曾孤倚。冰盤共宴喜，更可惜雪中高士，香篝熏素被。今年對花太匆匆，相逢似有恨，依依憔悴。凝望久。

青苔上旋看飛墜相。將見脆圓薦酒人正在空江烟浪裏。但  
夢想一枝瀟灑酒黃昏斜照水。

少年遊

并刀如水吳鹽勝雪纖指破新橙錦幄初溫獸香不斷相對  
坐調笙低聲問向誰行宿城上巳三更馬滑霜濃不如休  
去直是少人行。

田不伐

南柯子

夢怕愁時斷春從醉裏回淒涼懷抱向誰開些子清明時候  
被鶯催柳外都成絮闌邊半是苔多情簾燕獨徘徊依舊  
滿身花雨又歸來。

詞選

卷二

宛鄰書屋

團玉梅梢重雪羅菱扇低簾風不動蜨交飛一樣綠陰庭院  
鎖斜暉對月懷歌扇因風念舞衣何須惆悵惜芳菲拚却  
一年憔悴待春歸。

陳子高

克

菩薩蠻

赤欄橋盡香街直籠街細柳嬌無力金碧上晴空花晴簾影  
紅黃衫飛白馬日日青樓下醉眼不逢人午香吹暗塵

刺此

也時

綠蕪墻遶青苔院中庭日淡芭蕉卷蝴蝶上階飛風簾自在  
垂玉鈎雙語燕寶瑟楊花轉幾處簸錢聲綠窻春夢輕

白此

寓

李玉

賀新郎

篆縷消金鼎。醉沈沈、庭陰轉午。畫堂人靜，芳草王孫知何處。唯有楊花糝徑。漸玉枕、騰騰春醒。簾外殘紅春已透，鎮無聊。帶酒厭厭病。雲鬢亂、未忺整。江南舊事，休重省。遍天涯、尋消問息。斷鴻難倩。月滿西樓憑闌久。依舊歸期未定。又只恐。餅沈金井。嘶騎不來。銀燭暗。教人立盡。梧桐影。誰伴我對鸞鏡。

謝任伯克家

憶君王

依依宮柳拂宮牆。樓殿無人春晝長。燕子歸來依舊忙。憶君

詞選

卷二

三

宛鄰書屋

王月照黃昏人斷腸

朱希真

敦儒

好事近

漁父

搖首出紅塵。醒醉更無時節。生計綠蓑青笠，慣披霜衝雪。晚來風定釣絲閒。上下是新月。千里水天一色，看孤鴻明滅。漁父長身來。只共釣竿相識。隨意轉船回棹，似飛空無迹。蘆花開落任浮生。長醉是良策。昨夜一江風雨，都不曾聽得。撥轉釣魚船。江海儘爲吾宅。恰向洞庭沽酒，却錢塘橫笛。醉顏禁冷更添紅潮。落下前檣。經過子陵灘畔，得梅花消息。短棹釣魚船。江上晚烟籠碧。塞鴈海鷗分路，占江天秋色。錦鱗潑刺滿籃魚。取酒價相敵。風順片帆歸去，有何人留得。

失却故山雲索手指空爲客尊菜鱸魚留我住鴛鴦湖側

偶然添酒舊葫蘆小醉度朝夕吹笛月波樓下有何人相識

辛幼安

棄疾

○ 摸魚兒

淳熙己亥自湖北漕移湖南同官王正之置酒小山亭賦

更能消幾番風雨匆匆春又歸去惜春長怕花開早何況落

紅無數春且住見說道天涯芳草無歸路怨春不語算只有

殷勤畫簷蛛網盡日惹飛絮長門事準擬佳期又誤蛾眉

曾有人妬千金縱買相如賦脈脈此情誰訴君莫舞君不見

玉環飛燕皆塵土閒愁最苦休去倚危欄斜陽正在烟柳斷

腸處鶴林玉露云詞意殊怨斜陽烟柳之句其與未須愁日暮天際乍輕陰者異矣聞壽王見此詞頗不悅然終不

加罪也

詞選

卷二

四 宛鄰書屋

○ 賀新郎

別茂嘉十二弟

綠樹聽啼鳩更那堪杜鵑聲住鷓鴣聲切啼到春歸無啼處

苦恨芳菲都歇算未抵人間離別馬上琵琶關塞黑更長門

翠輦辭金闕看燕燕送歸妾將軍百戰身名裂向河梁回

頭萬里故人長絕易水蕭蕭西風冷滿座衣冠似雪正壯士

悲歌未徹啼鳥還知如許恨料不啼清淚長啼血誰伴我醉

明月

茂嘉蓋以得罪謫徙故有是言

○ 前調

賦琵琶

鳳尾龍香撥自開元霓裳曲罷幾番風月最苦潯陽江頭客

畫舸亭亭待發記出塞黃雲堆雪馬上離愁三萬里望昭陽

宮殿孤鴻沒絃解語恨難說遼陽驛使音塵絕瑣窻寒輕

攏漫撚淚珠盈曉推手含情還却手一抹涼州哀徹千古事  
雲飛烟滅賀老定場無消息想沈香亭北繁華歇彈到此爲  
嗚咽

○ 永遇樂

京口北固亭懷古

千古江山英雄無覓孫仲謀處舞榭歌臺風流總被雨打風  
吹去斜陽草樹尋常巷陌人道寄奴曾住想當年金戈鐵馬  
氣吞萬里如虎元嘉草草封狼居胥意氣贏得倉皇北顧四  
十三年望中猶記燈火揚州路可堪回首佛狸祠下一片神  
鴉社鼓憑誰問廉頗老矣尙能飯否

○ 祝英臺近

寶釵分桃葉渡烟柳暗南浦怕上層樓十日九風雨斷腸點

詞選

卷二

五 宛鄰書屋

點飛紅都無人管更誰勸流鶯聲住鬢邊覷試把花卜歸  
期才簪又重數羅帳燈昏哽咽夢中語是他春帶愁來春歸  
何處却不解帶將愁去

此與德祐太學生二詞用意相似點點飛紅傷君子之弃流鶯惡小人得

志也春帶愁來其刺趙張乎

○ 菩薩蠻

書江西造口壁

鬱孤山下清江水中間多少行人淚西北是長安可憐無數  
山青山遮不住畢竟東流去江晚正愁余山深聞鷓鴣

玉露云南渡之初金人追隆祐太后御舟至造口不及而還幼安因此起興鷓鴣之句謂恢復行不得也

張安國

孝前

○ 六州歌頭

長淮望斷。關塞莽然平。征塵暗。霜風勁。悄邊聲。黯銷凝。追想

當年事殆天數非人力洙泗上絃歌地亦羶腥隔水羶鄉落  
目牛羊下區脫縱橫看名王宵獵騎火一川明笳鼓悲鳴遣  
人驚念腰間箭匣中劍空埃蠹竟何成時易失心徒壯歲  
將零渺神京干羽方懷遠靜烽燧且休兵冠蓋使紛馳騫若  
為情聞道中原遺老常南望翠葆霓旌使行人到此忠憤氣  
填膺有淚如傾

韓无咎 元吉

六州歌頭

東風着意先上小桃枝紅粉膩嬌如醉倚朱扉記年時隱映  
新妝面臨水岸春將半雲日暖斜陽轉夾城西草軟沙平驟  
馬垂楊渡玉勒爭嘶認蛾眉凝笑臉薄拂胭脂繡戶曾窺恨  
依依昔攜手處香如霧紅隨步怨春遲消瘦憑誰問只  
花知淚空垂舊日堂前燕和烟雨又雙飛人自老春長好夢  
佳期前度劉郎幾許風流地也自應悲但茫茫暮靄自斷武  
陵溪往事難追

李知幾 石

臨江仙

烟柳疏疏人悄悄畫樓風外吹笙倚闌聞喚小紅聲熏香臨  
欲睡玉漏已三更坐待不來來又去一方明月中庭粉墻  
東畔小橋橫起來花影下扇子撲流螢

姜堯章 夔

揚州慢

淳熙丙申至  
日過揚州

淮左名都竹西佳處解鞍少駐初程過春風十里盡薺麥青  
青自胡馬窺江去後廢池喬木猶厭言兵漸黃昏清角吹寒  
都在空城杜郎俊賞算如今重到須驚縱豆蔻詞工青樓  
夢好難賦深情二十四橋仍在波心蕩冷月無聲念橋邊紅  
藥年年知爲誰生

○ 暗香

石湖詠梅

舊時月色算幾番照我梅邊吹笛喚起玉人不管清寒與攀  
摘何遜而今漸老都忘却春風詞筆但怪得竹外疏花香冷  
入瑤席江國正寂寂歎寄與路遙夜雪初積翠尊易泣紅  
萼無言耿相憶長記曾攜手處千樹壓西湖寒碧又片片吹  
盡也幾時見得題曰石湖詠梅此爲石湖作也時石湖蓋有  
隱避之志故作此二詞以沮之白石石湖仙

詞選

卷二

七

宛鄰書屋

云須信石湖仙似鴟夷飄然引去未云聞好話明年定在槐  
府此與同意首章言已嘗有用世之志今老無能但望之  
也石湖

○ 疏影

又

苔枝綴玉有翠禽小小枝上同宿客裏相逢籬角黃昏無言  
自倚修竹昭君不慣胡沙遠但暗憶江南江北想佩環月夜  
歸來化作此花幽獨猶記深宮舊事那人正睡裏飛近蛾  
綠莫似春風不管盈盈早與安排金屋還教一片隨波去又  
却怨玉龍哀曲等恁時重覓幽香已入小牕橫幅此章更以  
發之故有昭君之句

史邦卿 達祖

雙雙燕

身居安于恬不  
海任為老也  
二聖地地多  
報也秋修商  
樓與定行  
秋修商  
物消老  
要定之時  
五取之物  
心也

過春社了度簾幕中閒去年塵冷差池欲住試入舊巢相竝  
還相雕梁藻井文軟語商量不定翩然快拂花梢翠尾分開  
紅影芳徑芹泥雨潤愛貼地爭飛競誇輕俊紅樓歸晚看  
足柳昏花暝應是棲香正穩使忘了天涯芳信愁損翠黛雙  
蛾日日畫欄獨凭

尹惟曉

○ 霓裳序中第一 茉莉

青鞵素靨海國仙人偏耐熱餐盡風香露屑便萬里凌空  
肯憑蓮葉盈盈步月悄似憐輕去瑤闕人何在憶渠癡小點  
點愛清絕愁絕舊遊輕別忍重看鎖香金篋淒涼清夜簾  
第杳杳詩魂真化風蝶冷香清到骨夢十里梅花霽雪歸來  
詞選 卷二 八 宛鄰書屋

也懨懨心事自共素娥說

王聖與 沂孫

○ 眉嫵 新月

漸新痕懸柳淡彩穿花依約破初暝便有團圓意深深拜相  
逢誰在香徑畫眉未穩料素娥猶帶離恨最堪愛一曲銀鉤  
小寶奩掛秋冷千古盈虧休問歎謾磨玉斧難補金鏡太  
液池猶在淒涼處何人重賦清景故山夜永試待他窺戶端  
正看雲外山河還老桂花舊影 碧山詠物諸篇竝有君國之  
無賢 憂此喜君有恢復之志而惜  
臣也

○ 齊天樂 蟬

一襟餘恨宮魂斷年年翠陰庭樹乍咽涼柯遷移暗葉重把

離愁深訴西窗過雨怪瑤佩流空玉笋調柱鏡暗妝殘爲誰  
嬌鬢尙如詩銅仙鉛淚如洗歎移盤去遠難貯零露病翼  
驚秋枯形閱世消得斜陽幾度餘音更苦甚獨抱清商頓成  
淒楚謾想熏風柳絲千萬縷

○○ 高陽臺

此題應是梅花

殘雪庭除輕寒簾影霏霏玉管春葭小帖金泥不知春是誰  
家相思一夜窻前夢奈個人水隔天遮但淒然滿樹幽香滿  
地橫斜江南自是離愁苦况游驄古道歸雁平沙怎得銀  
箋殷勤與說年華如今處處生芳草縱凭高不見天涯更消  
他幾度東風幾度飛花

此傷君臣晏安不思國耻天下將亡也

○○ 慶清朝

榴花

詞選

卷二

九

宛鄰書屋

玉局歌殘金陵句絕年年負却熏風西鄰窈窕獨憐入戶飛  
紅前度綠陰載酒枝頭色比似羣同何須擬蠟珠作帶綰綵  
成叢誰在舊家殿閣自太真仙去掃地春空朱旛護取如  
今應誤花工顛倒絳英滿徑想無車馬到山中西風後尙餘  
數點還勝春濃

此言亂世尙有人才惜世不用也不知其所指

張叔夏

炎

○○ 高陽臺

西湖春感

接葉巢鶯平波卷絮斷橋斜日歸船能幾番遊看花又是明  
年東風且伴薔薇住到薔薇春已堪憐更淒然萬綠西冷一  
抹荒烟當年燕子知何處但苔深韋曲草暗斜川見說新  
愁如今也到鷗邊無心再續笙歌夢掩重門淺醉閒眠莫開

簾怕見飛花怕聽啼鶯

黃德文

孝邁

○ 湘春夜月

近清明翠禽枝上銷魂可惜一片清歌都付與黃昏欲共柳  
花低訴怕柳花輕薄不解傷春奈楚鄉旅宿柔情別緒誰與  
溫存空尊夜泣青山不語殘月當門翠玉樓前唯是有一  
波湘水搖蕩湘雲天長夢短問甚時重見桃根這次第算人  
間沒個并刀剪斷心上愁痕

吳彥高

激

○ 青衫濕

感舊

南朝千古傷心地還唱後庭花舊時王謝堂前燕子飛入人

詞選

卷二

十

宛鄰書屋

家恍然在遇天姿勝雪宮鬢堆鴉江州司馬青衫淚濕同  
是天涯

李易安

清照

○ 壺中天慢

蕭條庭院文斜風細雨重門須閉寵柳嬌花寒食近種種惱  
人天氣險韻詩成扶頭酒醒別是閒滋味征鴻過盡萬千心  
事難寄樓上幾日春寒簾垂四面玉闌干慵倚被冷香消  
新夢覺不許愁人不起清露晨流新桐初引多少游春意日  
高烟斂更看今日晴未

○ 聲聲慢

尋尋覓覓冷冷清清悽悽慘慘切切乍暖還寒時候最難將

息三椽兩盞淡酒怎敵他曉來風急鴈過也正傷心却是舊時相識滿地黃花堆積憔悴損如今有誰堪摘守着窻兒獨自怎生得黑梧桐更兼細雨到黃昏點點滴滴這次第怎一個愁字了得

○ 鳳凰臺上憶吹簫

香冷金猊被翻紅浪起來慵自梳頭任寶奩塵滿日上簾鉤生怕離懷別苦多少事欲說還休新來瘦非關病酒不是悲秋休休這回去也千萬遍陽關也只難留念武陵人遠烟鎖秦樓唯有樓前流水應念我終日凝眸凝眸處從今又添一段新愁

○ 醉花陰 九日

詞選

卷二

十

宛鄰書屋

薄霧濃雲愁永晝瑞腦銷金獸佳節又重陽玉枕紗廚半夜涼初透東籬把酒黃昏後有暗香盈袖莫道不消魂簾卷西風人似黃花瘦

鄭文妻孫氏

○ 憶秦娥

花深深一鉤羅襪行花陰行花陰閒將柳帶試結同心日邊消息空沈沈畫眉樓上愁登臨愁登臨海棠開後望到如今

無名氏

○ 綠意 荷葉

碧圓自潔向淺洲遠浦亭亭清絕猶有遺簪不展秋心能卷

幾多炎熱駕鶯密語同傾蓋且莫與浣紗人說怨歌忽斷花  
風碎却翠雲千疊 回首當年漢舞怕飛去謾縹留仙帚摺  
戀戀青衫猶染枯香還笑鬢絲飄雪盤心清露如鉛水又一  
夜西風聽折喜淨看匹練秋光倒瀉半湖明月

此傷君子負  
枉而死蓋似

李綱趙鼎之流回首當年漢舞云者言其自結  
主知不肯遠引結語喜其已死而心得白也

詞選

卷一

十一

宛鄰書屋

詞選刻既成余謂張子詞學衰且數百年今世作者寧有其人耶張子爲言其友七人者曰暉子居丁若士錢黃山左仲甫李申耆陸祁生黃仲則各誦其詞數章曰此幾于古矣余以爲當今海內之士有能爲詞者不止此七人七人之詞不止此數章然要以後世必傳此七人者之詞其有繼此而選者必不遺此數章則可知已矣因此而錄之益以張子之詞爲九家金子彥朗甫者學于張子爲詞有師法又次錄焉嗚呼諸君子之于古也則既不謬矣余之所爲其不謬于諸君子否耶聊著數章以自考焉凡爲一卷附詞選之後歛鄭善長

詞選

附錄序

宛鄰書屋

竹眠詞一首 陽湖黃景仁字仲則

醜奴兒慢

日日登樓一換一番春色。著似捲如流。春日誰道遲遲。一片野風吹草草。背白烟飛。頰墻左側。小桃放了。沒箇人知。媽然一笑。分明記得。三五年時。是何人挑將竹淚。粘上空枝。請試低頭。影兒憔悴。浸深池。此間是伊歸路。莫惹相思。

念宛齋詞二首 陽湖左輔字仲甫

南浦 夜尋琵琶亭

潯陽江上恰三更。霜月共潮生。斷岸高低向我。漁火一星星。何處離聲。刮起撥琵琶。千載賸空亭。是江湖倦客。飄零商婦。于此盪精靈。且自移船相近。遶回闌百折。覓愁魂。我是無

詞選

附錄

宛鄰書屋

家張儉萬里走江城。一例蒼茫。弔古向荻花楓葉。又傷心。只琵琶響斷。魚龍寂寞。不曾醒。

浪淘沙

曹溪驛折得桃花一枝。數日零落。裏花片投之。涪江歌以送之。

水軟櫓聲柔。草綠芳洲。桃花幾樹隱紅樓。者是春山魂一片。招入孤舟。鄉夢不曾休。惹甚閒愁。忠州過了又涪州。擲與巴江流。到海切莫回頭。

蒹塘詞六首 武進惲敬字子居

阮郎歸 畫胡

粵亭天與宓妃腰。雌雄一樣描。雙魂如縷。恐驚搖。曉來風露饒。吹乍散。玉人簫。香叢影亂。飄游絲。難畫可憐。朝粉痕看

漸消

少年白騎放驕憨踏青三月三歸來未到捉紅鸞化蛾真不  
甘江橋葉一分含那防仙姬探雙雙鳳子出花龕繭兒風  
太酣

輕須薄翼不禁風教花扶着儂一枝又逐月痕空都來幾日  
中曾有伴去無踪闌前種豆紅蜜官隊裏且從容問心同  
不同

拗花人影過雙鬟玉釵飛上寒閉簾瞥見轉彎環放簾山外  
山人去後影空闌花英分是單天風吹下亂紅閒羅浮夢  
未還

江南風暖草初齊花迷蝶不迷尋芳攪過海棠西簷前紅日  
低三兩點向人飛林閒積漸稀莫隨柳絮澆香泥蝶歸花  
不歸

詞選

附錄

二

宛鄰書屋

上聽  
星穿繡檻度銀屏階前路慣輕輕不礙護花鈴阿奴枝  
心不耐月兒青輸他深夜螢竹閒香霧幾曾停飛來三兩

黃山詞七首 陽湖錢季重字季重

六醜 朱藤

正木綿乍試又砌石紛披花萼計春竟留盡蜂狂蝶惡亭午  
風弱屈指人何在小庭深處剩一枝天灼胭脂滿地餘香足  
亂摩銀箏輕調湘竹回頭已成依約聽風風雨雨春去無脚  
南園西閣玉虎纏金鑰二十三年久香漠漠兔葵燕麥森  
束縱有人護惜也教錯愕濃陰密半來簾箔也不是當日勻

香暈粉珍珠絡索春雲裏細語叮囑恐飛紅吹到他邊去惹  
伊淚落

醜奴兒慢 蝶夢

悵花弔酒終日春魂如夢更良夜棲香未穩露重烟濃芳草  
天涯不曾驚醒五更鐘怎生禁得一庭紅濕細雨濛濛忍  
記那年美人攜手小立花叢舉紈扇春衫輕撲惹得飛紅到  
了而今年華忽忽別匆匆相思兩字憑誰寄去夢裏郵筒

四園竹

蜂須蝶粉不住聞薔薇紅凝繡幕綠映窻紗做得春肥清晝  
長閒拄杖闌干獨倚眼前悵觸相思草離離從茲綠到江  
南料無有缺些兒更想東風吹去開到鄉園舊日花枝知也  
未甚近日香篝夢反稀

詞選

附錄

三

宛鄰書屋

鷓鴣天

落魄天南意未降倦遊何處覓歸艤幾時載酒携紅袖終日  
焚香坐碧幢尋杜若採蘭茫清愁怕見影雙雙纔能吹得  
燈兒黑明月無言又到窻

又

策馬年年上板橋微雲漠漠水迢迢相思故欲拈紅豆清淚  
常彈到碧蕉看蝶舞聽鶯嬌平生恨事最難消梅花落後  
桃花落芳草無情獨覩桃

相見歡

胡蝶

朝來謾捲窻紗獨咨嗟堪恨滿園春色又天涯夫容好王

孫老兩相誇。怎奈生時芳草死時花。  
林間多少。媽紅總成空。但識三眠楊柳。甘番風。黃昏近春  
宵。冷意慳。惚夢到誰家。深院簾聲中。  
茗柯詞七首 武進張惠言字皋文

木蘭花慢 楊花

儘飄零。盡了誰人解。當花看。正風避重簾。雨迴深幕。雲護輕  
幡。尋他一春伴侶。只斷紅相識。夕陽閒未忍。無聲委地。將低  
重。又飛還。疏狂情性。算淒涼。耐得到春闌。但月地和梅花。  
天伴。雪合稱清寒。收將十分春恨。做一天愁影。遶雲山。看取  
青青池畔。淚痕點點凝斑。

水調歌頭 春日賦示楊生子拔

詞選 附錄 四 宛鄰書屋  
東風無一事。粧出萬重花。閒來閱遍花影。惟有月鉤斜。我有  
江南鐵笛。要倚一枝香雪。吹徹玉城霞。清影渺難卽。飛絮滿  
天涯。飄然去。吾與汝。泛雲槎。東皇一笑。相語芳意。落諸家。  
難道春花開落。又是春風來去。便了却韶華。花外春來路。芳  
草不曾遮。

百年復幾許。慷慨一何多。子當爲我擊筑。我爲子高歌。招手  
海邊鷗鳥。看我胸中雲夢。蒂芥近如何。楚越等閒耳。肝胆有  
風波。生平事。天付與。且婆娑。幾人塵外相視。一笑醉顏酡。  
看到浮雲過了。又恐堂堂歲月。一擲去如梭。勸子且秉燭。爲  
駐好春過。

珠簾捲。春曉。胡蝶忽飛來。游絲飛絮。無緒亂點碧雲。釵腸斷

是也。此花何物。喻人何事。  
春已爲矣。是物何  
一爲春。傳中

江南春思粘著天涯。殘夢賸有首重回。銀蒜且深押疏影。任徘徊。羅帷卷明月。入似人開。一尊屬月起舞流影入誰懷。迎得一鉤月到送得三更月去。鶯燕不相猜。但莫凭闌久重露濕蒼苔。

今日非昨日。明日復何如。場來真悔何事不讀十年書。爲問東風吹老幾度楓江。蘭徑千里轉平蕪。寂寞斜陽外。渺渺正愁子。千古意君知否。只斯須。名山料理身後也。算古人愚。一夜庭前綠遍。三月雨中紅透。天地入吾廬。容易衆芳歇。莫聽子規呼。

長鑱白木柄。斲破一庭寒。三枝兩枝生綠位。置小窻前。要使花顏四面和著草心。千朵向我十分妍。何必蘭與菊。生意總欣然。曉來風夜來雨。晚來烟。是他釀就春色。又斷送流年。便欲誅茆江上。只怕空林衰草。憔悴不堪憐。歌罷且更酌。與子遶花間。

### 傳言玉女

多謝東風吹送故園春色。低晴淺雨。做清明時節。昨夜花影認得。江南新月一枝枝。漾春魂如雪。却問東風。怎都來共闌寂。繡屏綺陌。有春人濃覓。閒庭閉門。揀鎖一絲愁。絕夢兒無奈。又隨春出。

### 立山詞七首

陽湖張琦字翰風

### 六醜

見夫容花作

悵秋光漸老。看點點霜花。飄足庾郎正愁。愁來無處著。漫遶

籬落是處秋容好岸邊深巷見數枝幽獨雕闌深護珍珠絡  
困倚香雲斜故暖玉相看更燒銀燭恰清尊半醉前事悵觸  
蘭舟初泊記雙紅梳掠坐對名花晚情莫莫燈前細語蛾  
綠但回頭無奈別離成各西風緊更催暮料得是一樣心  
頭滋味減來還惡凝愁處莫倚闌角看一痕澹月微雲裏依  
然是昨

摸魚兒

漸黃昏楚魂愁斷啼鶉早又相喚芳心欲寄天涯路無柰水  
遙山遠春過半看絲影花痕膏盡青苔院好春一片只付與  
輕狂蜂兒蝶子吹送午塵暗關山客漫說歸期易算知他  
多少淒怨不曾真箇東風妬已是燕殘鶯懶春晚晚怕花雨  
詞選 附錄 六 宛鄰書屋

如霰

南浦

驚回殘夢又起來清夜正三更花影一枝枝瘦明月滿中庭  
道是江南綺陌却依然小閣倚銀屏悵海棠已老心期難問  
何處望高城忍記當年懽聚到花時長此記春醒別恨而  
今誰訴梁燕不會醒簾外依依香絮算東風吹到幾時停向  
鴛衾無奈啼鶉又作斷腸聲

醜奴兒慢

乍晴又雨消得幾番花信正一片新苔似繡細草如茵胡蝶  
飛飛不會認得綠羅裙淒涼庭院海棠一樹箇是殘春多

少冶遊鶯歌燕舞吹暗芳塵儘剩得斷紅零粉付與愁魂相對天涯輕寒漠漠又斜曛憑誰知道鷓鴣啼罷獨自黃昏

### 菩薩蠻

橫塘日日風吹雨隔簾却望江南路胡蝶慣輕盈風前魂  
驚闌干人似玉黛影分窻綠斜日照屏山相思羅袖寒  
銅壺滴盡流蘇月紫驕嘶過垂楊陌何處繫香車海棠三兩  
花門前波似鏡門裏參差影照眼綠羅帶畫橈開白蘋  
江花玉面嬌相逐香風乍送淩波曲瞥見髻鬟低棹回情轉  
迷釵頭雙鳳翅照水胭脂淚碧藕折連絲夢輕君未知

蝴蝶詞五首

陽湖李兆洛字申者

### 菩薩蠻

詞選

附錄

七

宛鄰書屋

越羅掩歛無重數夫容和露搓香蕊窻外曉雲殘黛眉臨遠

山尋花雙鳳子覓遍珍叢底花影限紅墻飄殘半縷香

無端紫鳳嬌銜佩歲蕤不解香羅帶深幕可憐宵濃春豈惹

梢金蟲閒未燼慵倚屏山影倭墮綠雲斜未妨雙臉霞

畫眉樓畔花如霰疏香飛上參差繭翠羽暗低迷語長人未

知金箋新研玉鈿局敲雙陸複袖錦鴛鴦經年繡一雙

海棠低護行雲徑畫樓西畔分明影不爲見時難忍扶羅袖

看撩人回面語顛裊釵翹舞花氣泛紅螺橫飛出親蛾

簾前細裊沈烟紫隔簾柳絮飄香砌蛛縷戀殘魂搖搖更不

禁玉簫吹未徹垂手還凝立不覺月痕西下簾霜滿衣

宛芳樓詞三首

武進丁履恒字若士

綠意屬

暗蛩吟斷又遠空。嘹唳數行驚雁。拋却梁州萬里雲羅猶帶塞聲。悽怨羅浮夢醒。君歸去。那正好。草明香暖。怎知小別經年。却把髻華輕換。偏爲金商已逗。怕飛雪來寄吳山湘岸。瘦影聯翩。還喜攜羣小聚。圓沙低暗。和烟冷。抱蒹葭宿。早消盡濃霜片片。到東風吹入江南。又向塞垣飛遠。

高陽臺

燼落荷燈。水沈蓮漏。涼風已度輕裯。庭院淒涼。暗蛩鳴咽。牆根不如却下。簾兒坐。又敲窗亂葉紛紛。任爐熏攪入新愁。不甚氤氳。清宵本自多悵。况征鴻信杳。目斷行雲。料得新蟾如今也。到重門無聲露濕。羅衣薄。恐斑斑不認啼痕。倚黃昏。幾曲闌干。幾度消魂。

詞選

附錄

八

宛鄰書屋

滿庭芳

北樓晚望

冥霧沈山。淡烟籠渚。畫出一片秋空。遠林霜葉。續染十分紅。夢想來時陌上。相將見。應誤春工。知何處。水村山郭。淡蕩酒旗風。匆匆又負了。黃花香晚。綠醕栝濃。算難將心事。訴與歸鴻。更向危闌閒倚。蒼波渺。自斷孤篷。高城外。宛句雙水流。向夕陽東。

清隣詞五首

陽湖陸繼輅字祁生

鬲溪梅

胡蝶

雙雙粉翼出芳叢。趁殘紅。忽地分飛。無奈晚來風。栖香誰與同。天涯何許絆游踪。恨匆匆。遮莫花房曉。露濕。冥濛。千回。

曲折通

簾前剛被扇兒驚恁無情一捻腰肢誰解惜輕盈回身避乳鶯春歸拚與殉殘英可憐生薄命難將綵筆更描卿都疑剪紙成

游絲不繫可憐身竟誰隣早又飛花和雨委輕塵將魂付與春羅浮仙侶怨輕分怕黃昏待得清光一院月如銀無由更覓君

一庭紅雨落難收濕春眸記取雙飛切莫傍簾鉤有人簾內愁歸期欲訂又還休暫句留此去知他能否更經秋年華似水流

輕軀瘦損不勝春宿花城一晌相逢雙影未分明夢兒真不

詞選

附錄

九

宛鄰書屋

真蜜官樹底謾紛紛怎同羣欲倩呢喃燕子祝斜曛容伊活一生

蘭移詞六首

欸金應璩字子彥

賀新涼

詠螢

芳草何曾歇問王孫一春游處箇還相識誤入紗囊因何事一字神僊不食算只伴蟬魚岑寂風雨黃昏庭院黑照沈沈  
蜨夢渾無迹玉山路悔輕別景華宮裏音塵絕悵秋風洛陽古樹青燐堆血白鳥如雷羞難盡慘慘陰陵妖碧文恐到清霜時節小扇輕羅無人惜更銀屏翠幙深深隔笑燭耀近墻隙

湘春夜月

簾

鎖愁人畫簾盡日低垂一任蝶舞鶯歌都付與斜暉無奈梁  
間燕子帶東風一縷驀地歸來又深苔細草和將春思吹入  
啼眉屏山倦倚熏爐欲燼篆微微日上銀鈎放得纖  
纖月影斜捲花枝雕闌舊夢倩誰刪萬縷相思算只是把雙  
犀依舊從教深押莫問天涯

前調 花影

捲簾旌惜花心事黃昏多謝一片流光恰挽住花魂一夜一  
分月色文一分花意催送芳春算都來做箇風前夢影烟裏  
愁痕佳人何處當時無奈淺笑輕顰竹外依依似彷彿傷  
心眉黛暗泣羅裙東風最惡向空枝搖蕩還頻便拚得教一  
年憔悴怕他暗裏老却春人

詞選

附錄

十

宛鄰書屋

水調歌頭

春色奈何許芳逕萬重花朝來怕說花事濃艷正交加一片  
春山都被多少愁魂鎖住無處落朝霞腸斷江南路芳草夕  
陽斜凝望處空回首碧雲遮知他風外飛絮飄泊到誰家  
折得一枝紅萼賸有暗香盈袖何處贈天涯愁絕黛眉影寂  
寞倚窗紗

臨江仙

篆縷厭厭人悄悄敲鬢慵倚銀屏紅兒笑道月華明海棠枝  
上二半碧雲橫坐待窺窻窻正滿一身花影亭亭隔牆何  
處又吹笙簾兒下了雙袖悄寒生

前調

花外啼鶉簾外燕夕陽容易黃昏絲絲篆縷是愁魂闌干倚  
遍幽恨共誰論 賸得柳梢明月上夜深還照重門厭厭心  
事素娥聞也應怪得不是舊眉痕

竹隣詞七首 欽金式玉字朗甫

### 六州歌頭

重帷深鎖玉漏正三更屏山暗金荷燼篆烟凝短長亭依約  
年時路清溪曲垂楊畔朱門裏晶簾下月華明風外翹鬢掠  
削搔頭玉隔住紅英把花枝斜睇雙臉淺霞生芳意盈盈更  
松惺憶郎不見眉薄鬢雲亂悄含情飛鴻遠空悵悵望  
高城只星星飛絮天涯影風搖漾不曾停人瘦損花憔悴總  
飄零愁煞東風輕別知何處粉袖銀箏怎禁他花外殘點一  
詞選

附錄

十一

宛鄰書屋

聲聲好夢頻驚

### 南浦

秋燕

年年寄旅向天涯底事又難留幾度涼颺蕭瑟倦羽不勝秋  
此去斜陽無數怎拋他幽恨鎖重樓算來年重到人還在否  
難問舊簾鉤 只爲雕梁春信趁東風容易到南州雨雨風  
風花事一度一含愁語盡淒涼情緒再相逢切莫話溫柔只  
憐伊瘦損闌干竟日自凝眸

### 高陽臺

蝴蝶

乍暖簾櫳輕寒庭院遊絲繫住春魂一捻纖腰恰誰付與愁  
痕年時此地看花處到花時一例傷神怎消他幾度簾垂幾  
度香溫 斜陽回首江南夢只浮雲似雪流月如銀一晌憐

已曰法脫逐風  
說

乞可以說

儂不教飄逐芳塵天涯處處吹香絮使相逢誰伴黃昏更禁  
他容易飛花容易殘春

更漏子

繡羅香蟬髻影瘦損怕看鸞鏡人意悄篆烟濃開簾燕子風  
鶯亂語愁無緒一霎枝頭紅雨歡易盡淚空垂春心花不

知

相見歡

真珠一桁簾旌坐調笙夢裏不知芳草一池生  
蠻絃語紅

暗螢點向深苔去還來都是星星流影惹簾開  
夫容面輕  
羅扇撲盈懷不道一天清露濕香階

詞選

附錄

十一

宛鄰書屋

微雲度盡窻綃夜迢迢又恐秋聲無賴上芭蕉  
玉繩轉金  
波暗可憐宵只賸棲香胡蝶抱空條

字橋詞七首

歛鄭善長名掄元以字行

摸魚兒

送春

又廉纖滿庭花雨榆錢難買春住春來誰占風光好賸有此  
時愁苦春也誤算一捻嬌紅怎禁東風妒平蕪欲暮正燕燕  
鶯鶯輕狂無奈寂寞掩朱戶  
斜陽外又向高樓凝竚天涯  
一樣飛絮河橋倚馬年時地唯有垂楊千縷春便去縱留得  
殘春也只添愁緒清樽餞汝但索倩游蜂抱儂春恨一例  
歸路

綠意

殘荷

芳塘曲處看翠雲憔悴收盡殘暑記得羅衣波上頻湔嬌髻  
一時相妒而今一片烟波冷只賸得雙雙鷗鷺知恁時越女  
還來空憶採蓮前度眼底紅芳嫁盡但枯葦歷亂堪訴愁  
苦卷向熏風坼向西風消受斜陽無數曉來清露憐儂甚正  
無奈盤心非故只看他鉛淚難收洒向一池烟雨

湘春夜月

簾

一絲絲替儂織就相思只是一片湘波怎便隔天涯約住滿  
庭花氣問東風可解吹送芳菲算驚回殘夢唯應燕子頻蹴  
雙屣游絲千尺楊花萬點惱亂春暉庭院淒涼却憑得深  
深爲我低護翠眉朝來欲捲怕暗塵點上羅衣從此便更休  
論春事任教銀蒜終日垂垂

詞選

南浦

秋燕

附錄

十三

宛鄰書屋

雕梁睡穩文西風夜夜做秋聲吹破栖香好夢倦羽似頻驚  
醒醉幾番花月到如今只合共淒清怎舞衣不管平蕪零落  
猶自趁身輕誤却高樓凝竚恨天涯消息不堪聽屈指誰  
憐幽獨擎柱一行平怕是匆匆輕別文憑他掠盡夕陽明算  
消魂無奈有人疑恨傍簾旌

高陽臺

柳

暮雨催眠朝風催起絲絲縮住春愁依舊清明還教伴我登  
樓平蕪一片斜陽影問韶光何處句留怎憑他薰盡流波送  
盡行舟當年繫馬江南路正歌臺月暗舞榭烟稠纖手而  
今攀來可記溫柔儂心化作天涯絮怕重來錯認簾鉤便拚

白蓮似之山

白蓮似之山

他過了殘春又是殘秋。

前調 秋海棠

粉暈微搓脂痕淺印招來嬈嬈秋魂一樣紅粧偏教背却青  
春相思無數深闌淚向西風染就愁痕有誰憐幾度凝嬌幾  
度含顰江南昨夜霜花滿算蕭蕭蘭徑都付芳塵倚盡雕  
闌殷勤誰伴黃昏斷腸腸得婢婷影歛嬌紅欲上羅裙又消  
他漠漠輕烟漠漠斜暝

甘州

漸香篝餘燼冷羅衾簾捲對秋陰悵夫容已老西風不管獨  
自沈吟可惜斷紅雙臉只是淚痕深細憶遼陽夢恨殺蘭砧  
十二闌干倚遍只霜花抱信又到疏林看亭臯落葉片片  
詞選 附錄 十四 宛鄰書屋  
是秋心怕天涯幾經搖落向雪關風渡更難禁怎倩得征鴻  
爲我寄與芳音

咸豐七年二月十日從楊君河野讀李摘記卷伯文世目評  
此是以闌闌詞旨評蓋後學楊君若乞丈之指于學其所不窺  
詞六卷宗張氏特異錄也名錄記

詞選後序

詞選二卷吾師張皋文翰風兩先生之所錄也夫楚謠漢賦  
既殊風雅齊歌唐律亦乖蘇李何者古愈遠則愈殺聲彌近  
則彌悲此由音調所成故亦淵源莫二譬之纂繡異製而合  
度於鑷蛾眉各盼而同美於魂故知法不虛采神不虛豔其  
揆一也樂府既衰填詞斯作三唐引其緒五季暢其支兩宋  
名公尤工此體莫不飛聲尊俎之上引節絲管之間然乃瑯  
樓玉宇天子識其忠言斜陽烟柳壽皇指爲怨曲造口之壁  
比之詩史太學之詠傳其主支舉此一隅合諸四始途歸所  
會斷可識矣近世爲詞厥有三蔽義非宋玉而獨賦蓬髮諫  
謝淳子而唯陳履烏揣摩牀第汗穢中葺是謂淫詞其蔽一

詞選

後序

宛鄰書屋

也猛起奮末分言析字詆嘲則俳優之末流叫嘯則市儈之  
盛氣此猶巴人振喉以和陽春龜蚬怒盜以調疏越是謂鄙  
詞其蔽二也規模物類依托歌舞哀樂不衷其性慮歎無與  
乎情連章累篇義不出乎花鳥感物指事理不外乎酬應雖  
旣雅而不豔斯有句而無章是謂游詞其蔽三也原其所味  
厥亦有由童蒙擷其粗而失其精達士小其文而忽其義故  
論詩則古近有祖禰談詞則風騷若河漢非其惑歟昔之選  
詞者蜀則花間宋有草堂下降元明種別十數推其好尚亦  
有優劣然皆雅鄭無別朱紫同貫是以乖方之士罔識別裁  
蓋折楊皇苓槩而同悅申椒蕭艾穫而不芳今欲塞其岐途  
必且嚴其科律此詞選之所以止于一百十六首也先生以

所託既末知音蓋希雖復闢彼宍宦且擬奔諸中篋珪竊不  
敏以爲先路有覺來哲難誣昭明之選不與則六代文賦宗  
風蓋息乎乃校而刻之序其後云爾嘉慶二年八月日歙金  
應珪

詞選

後序

二 宛鄰書屋



詞選  
後序  
嘉慶二年八月日歙金應珪





續詞選目錄

李太白一首 張子同一首 溫飛卿五首 皇甫子奇二首

右唐詞四家九首

後唐莊宗一首 韋端己三首 薛昭蘊一首 毛熙震二首 李珣三首 馮正中三首

右五代詞六家十三首

晏同叔二首 范希文一首 歐陽永叔一首 王介甫一首 柳耆卿二首 蘇子瞻三首 秦少游八首 賀方回一首 章質夫一首 舒信道一首 趙德麟一首 劉巨濟一首 周美成七首 徐幹臣一首 陳子高三首 魯

續詞選

目錄

宛鄰書屋

逸仲一首 葉少蘊一首 陳去非一首 趙長卿一首

辛幼安二首 張安國一首 程正伯三首 劉潛夫一首

俞國寶一首 姜堯章七首 劉改之一首 楊炎一首

謝勉仲一首 陸子逸一首 高賓王一首 史邦卿三首

首 方巨山一首 吳君特二首 蔣勝欲一首 周公謹

二首 王聖與四首 張叔夏二十三首 吳彥高一首

德祐太學生二首 李易安一首 朱淑真一首 徐君寶

妻一首

右宋詞四十二家一百首

凡詞五十二家一百二十二首

續詞選卷一

陽湖董毅錄

李太白

白

憶秦娥

簫聲咽秦娥夢斷秦樓月秦樓月年年柳色灞陵傷別樂  
游原上清秋節咸陽古道音塵絕音塵絕西風殘照漢家陵  
闕

張子同

志和

漁歌子

西塞山前白鷺飛桃花流水鱖魚肥青蕩笠綠蓑衣斜風細  
雨不須歸

溫飛卿

庭筠

續詞選

卷一

歸國遙

香玉翠鳳竇釵垂聚毳鈿篋交勝金粟越羅春水綠 畫堂  
照簾殘燭夢餘更漏促謝娘無限心曲曉屏山斷續  
雙臉小鳳戰篋金甌豔舞衣無力風斂藕絲秋色染 錦帳  
繡幃斜掩露珠清曉簟粉心黃藥花鬢黛眉山兩點

酒泉子

楚女不歸樓枕小河春水月孤明風又起杏花稀 玉釵斜  
簪雲鬢重裙上鏤金雙鳳八行書千里夢雁南飛

訴衷情

鶯語花舞春晝午雨霏微金帶枕宮錦鳳凰帷柳弱燕交飛  
依依遼陽音信稀夢中歸

河傳

湖上閒望雨瀟瀟烟浦花橋路遙謝娘翠蛾愁不銷終朝夢  
魂迷晚潮蕩子天涯歸棹遠春已晚鶯語空腸斷若耶溪  
溪水西柳堤不聞郎馬嘶

皇甫子奇

松

夢江南

蘭燼落屏上暗紅蕉閒夢江南梅熟日夜船吹笛雨瀟瀟人  
語驛邊橋

樓上寢殘月下簾旌夢見林陵惆悵事桃花柳絮滿江城雙  
髻坐吹笙

後唐莊宗

續詞選

卷一

二

宛鄰書屋

憶仙姿

曾宴桃源深洞一曲舞鸞歌鳳長記別伊時和淚出門相送  
如夢如夢殘月落花烟重

韋端已

莊

歸國遙

金翡翠爲我南飛傳我意卷畫橋邊春水幾年花下醉別  
後只知相愧淚珠難遠寄羅幙繡幃鴛被舊歡如夢裏

應天長

綠槐影裏黃鸝語深院無人春晝午畫簾垂金鳳舞寂寞繡  
屏香一炷碧雲天無定處空有夢魂來去夜綠窻風雨

斷腸君信否

更漏子

鐘鼓寒樓閣。暝月照古桐。金井深院閉小庭。空落花香露。紅烟柳重春霧薄。燈背水窻高閣。閒倚戶。暗沾衣。待郎郎不歸。

薛昭蘊

謁金門

春滿院。疊損羅衣金線。睡覺水晶簾未卷。簾前雙語燕。斜掩金鋪一扇。滿地落花千片。早是相思腸欲斷。忍教頻夢見。

毛熙震

臨江仙

幽閨欲曙聞鶯囀。紅窻日影微明。好風頻謝落花聲。隔幃殘燭猶照綺屏。簾繡被錦茵。眠玉暖炷香斜。裊烟輕淡蛾羞斂。不勝情暗思閒。夢何處。逐雲行。

卷一

三 宛鄰書屋

清平樂

春光欲暮。寂寞閒庭戶。粉蝶雙雙穿檻舞。舞舞簾卷晚天疏。雨含愁。獨倚閨幃。玉爐烟斷香微。正是銷魂時節。東風滿樹。花飛。

李珣

菩薩蠻

迴塘風起波紋細。刺桐花裏門斜閉。殘日照平蕪。雙雙飛鷓鴣。征帆何處客。相見還相隔。不語欲魂銷。望中烟水遙。

隔簾微雨飛雙燕。砌花零落紅深淺。捨得寶箏調。心隨征棹。

遙 楚天雲外路動便經年去香斷畫屏深舊歡何處尋

西溪子

金縷翠鈿浮動妝罷小窗圓夢白高時春已老人未到滿地落花慵掃無語倚屏風泣殘紅

馮正中 延巳

羅敷豔歌

馬嘶人語春風岸芳草綿綿楊柳橋邊落日高樓酒旆懸  
舊愁新恨知多少目斷遙天獨立花前更聽笙歌滿畫船  
小堂深靜無人到滿院春風惆悵墻東一樹櫻桃帶雨紅  
愁心似醉兼如病欲語還慵日暮疏鐘雙燕歸來畫閣中

喜遷鶯

續詞選

卷一

四

宛鄰書屋

宿鶯啼鄉夢斷春樹曉朦朧殘燈和燼閉朱櫳人語隔屏風  
香已寒燈已絕忽憶去年離別石城花雨倚江樓波上木蘭舟

晏同叔 殊

浣溪沙

玉枕冰寒滴露華粉融香雪透輕紗晚來妝面勝荷花鬢  
鞦欲迎眉際月酒紅初上臉邊霞一場春夢日西斜

破陣子

燕子來時新社梨花落后清明池上碧苔三四點葉底黃鸝  
一兩聲日長飛絮輕巧笑東鄰女伴采桑徑裏逢迎疑怪  
昨宵春夢好元是今朝鬪草贏笑從雙臉生

范希文 仲淹

御街行

紛紛墜葉飄香砌。夜寂靜寒聲碎。真珠簾捲玉樓空。天澹銀河垂地。年年今夜。月華如練。長是人千里。愁腸已斷無由醉。酒未到先成淚。殘燈明滅枕頭欹。諳盡孤眠滋味。都來此事。眉間閒心上。無計相迴避。

歐陽永叔 修

踏莎行

候館梅殘。溪橋柳細。草熏風暖搖征轡。離愁漸遠漸無窮。迢迢不。斷如春水。寸寸柔腸。盈盈粉淚。樓高莫近危欄倚。平燕盡處是春山。行人更在春山外。

續詞選

卷一

五

宛鄰書屋

王介甫 安石

桂枝香

金陵懷古

登臨送目。正故國晚秋。天氣初肅。千里澄江似練。翠峰如簇。征帆去棹。殘陽裏。背西風。酒旗斜。蠹線。舟雲淡。星河鷺起。圖畫難足。念自昔豪華競逐。歎門外樓頭。悲恨相續。千古憑高對。此謾嗟榮辱。六朝舊事。隨流水。但寒烟衰草。凝綠至今。商女。時時猶唱。後庭遺曲。

柳耆卿 永

雨霖鈴

寒蟬淒切。對長亭晚。驟雨初歇。都門帳飲無緒。方留戀。處蘭舟催發。執手相看淚眼。竟無語。凝咽。念去去千里烟波。暮靄

沈沈楚天濶。多情自古傷離別。更那堪冷落清秋節。今宵酒醒何處。楊柳岸。曉風殘月。此去經年應是。良辰好景虛設。便總有千種風情。更與何人說。

八聲甘州

對蕭蕭暮雨。灑江天。一番洗清秋。漸霜風淒緊。關河冷落。殘照當樓。是處紅衰綠減。苒苒物華休。惟有長江水。無語東流。不忍登高臨遠。望故鄉渺邈。歸思難收。歎年來蹤跡。何事苦淹留。想佳人。妝樓長望。誤幾回。天際識歸舟。爭知我倚闌干處。正恁凝愁。

蘇子瞻賦

念奴嬌

赤壁懷古

續詞選

卷一

六

宛鄰書屋

大江東去。浪淘盡千古風流人物。故壘西邊。人道是三國周郎赤壁。亂石穿空。驚濤拍岸。捲起千堆雪。江山如畫一時多。少豪傑。遙想公瑾當年小。喬初嫁了。雄姿英發。羽扇綸巾。談笑閒檣櫓。灰飛烟滅。故國神遊。多情應笑我。早生華髮。人如夢。一尊還酹江月。

蝶戀花

春事闌珊芳草歇。客裏風光。又過清明節。小院黃昏人憶別。落花處處聞啼鴉。咫尺江山分楚越。目斷魂消。應是音塵絕。破夢五更心欲折。角聲吹落梅花月。

水調歌頭

明月幾時有。把酒問青天。不知天上宮闕今夕是何年。我欲

乘風歸去。又恐瓊樓玉宇高處不勝寒。起舞弄清影。何似在  
人閒。轉朱閣。低綺戶。照無眠。不應有恨。何事偏向別時圓。  
人有悲歡離合。月有陰晴圓缺。此事古難全。但願人長久。千  
里共嬋娟。忠愛之言。惻然動人。神宗讀瓊樓玉宇  
高處不勝寒之句。以爲終是愛君直矣。

秦少游

觀

如夢令

門外鴉啼楊柳。春色著人如酒。睡起熨沈香。玉腕不勝金斗。  
消瘦消瘦。還是褪花時候。  
遙夜月明如水。風緊驛亭深閉。夢破鼠窺燈。霜送曉寒侵被。  
無寐無寐。門外馬嘶人起。

幽夢匆匆破後。妝粉亂紅。雷袖遙想酒醒來。無奈玉銷花瘦。  
續詞選

卷一

七

宛柳書屋

回首回首。遠岸夕陽疏柳。

樓外殘陽紅滿。春入柳條將半。桃李不禁風。回首落英無限。  
腸斷腸斷。人與楚天俱遠。

池上春歸何處。滿目落花飛絮。孤館悄無人。夢斷月堤歸路。  
無緒無緒。簾外五更風雨。

鶯嘴啄花紅溜。燕尾點波綠皺。指冷月笙寒。吹徹小梅春透。  
依舊依舊。人與綠楊俱瘦。

阮郎歸

滿天風雨破寒初。燈殘庭院虛。麗譙吹徹小單于。迢迢清夜  
徂。鄉夢斷。旅情孤。崢嶸嶸嶸。又除衡陽。猶有雁傳書。郴陽和

雁無。

八六子

倚危亭。恨如芳草。萋萋剗盡。還生念柳外。青驄別後。水邊紅  
袂分時。愴然暗驚。無端天與娉婷。夜月一簾幽夢。春風十  
里柔情。怎奈向歡娛漸隨。流水素絃聲斷。翠綃香減。那堪片  
片飛花弄晚。濛濛殘雨籠晴。正銷凝黃鸝又啼。數聲。

賀方回

柳色黃

薄雨催寒。斜照弄晴。春意空濶。長亭柳色。纔黃遠客。一枝先  
折。烟橫水際。映帶幾點歸鴉。東風消盡。龍沙雪。還記出門時  
却而今。時節將發。畫樓芳酒。紅淚清歌。頓成輕別。已是經  
年杳杳音塵都絕。欲知方寸。共有幾許清愁。芭蕉不展。丁香  
續詞選 卷一 八 宛鄰書屋

結柱望斷天涯兩厭厭風月

章質夫

水龍吟 柳花

燕忙鶯懶。芳殘正堤上。柳花飄墜。輕飛亂舞。點畫青林。全無  
才思。閒趁游絲。靜臨深院。日長門閉。傍珠簾散漫。垂垂欲下。  
依前被風扶起。蘭帳玉人睡。覺怪春衣沾瓊綴。繡牀漸  
滿。香毬無數。才圓却碎。時見蜂兒。仰粘輕粉。魚吞池水。望章  
臺路。香金鞍游蕩。有盈盈淚。

舒信道

菩薩蠻

畫船搗鼓催君去。高樓把酒留君住。去住若為情。江頭潮欲

平。江湖容易得，却是人南北。今日此尊空，知君何日同。

趙德麟

令時

蝶戀花

欲減羅衣寒未去，不卷珠簾，人在深深處。殘杏枝頭花幾許，啼紅止恨清明雨。盡日水沈香一縷，宿酒醒遲，惱破春情緒。飛燕又將歸信誤，小屏風上西江路。

劉巨濟

涇

清平樂

深沈院宇，枕簟清無暑。睡起花陰初轉午，一霎飛雲過雨。雨餘隱隱殘雷，夕陽却照庭槐。莫把珠簾垂下，妨他雙燕歸來。

續詞選

卷一

九

一死鄰書屋

周美成

邦彥

滿庭芳

夏日溧水無想山作

風老鶯雛，雨肥梅子，午陰嘉樹清圓。地卑山近，衣潤費爐烟。人靜烏鴛自樂，小橋外、新綠濺濺。凭欄久，黃蘆苦竹，擬泛九江船。年年如社燕，飄流瀚海，來寄修椽。且莫思身外，長近尊前。憔悴江南倦客，不堪聽急管繁絃。歌筵畔，先安枕簟，容我醉時眠。

玉樓春

桃溪不作從容住，秋藕絕來無續處。當時相候赤欄橋，今日獨尋黃葉路。烟中列岫青無數，雁背夕陽紅欲暮。人如風後入江雲，情似雨餘黏地絮。

尉遲杳

隋堤路。漸日晚。密靄生深樹。陰淡月籠沙。還宿河橋深處。無情畫舸。都不管烟波。隔前浦。等行人。醉擁重衾。載將離恨歸去。因思舊客京華。長恨傍疏林。小檻歡聚。冶葉倡條俱相識。仍慣見珠歌翠舞。如今向漁村水驛。夜如歲。焚香獨自語。有何人念我無聊夢。現凝想鴛侶。

西河

金陵懷古

佳麗地。南朝盛事誰記。山圍故國。繞清江。髻鬢對起。怒濤寂寞。打孤城。風檣遙度天際。斷崖樹猶倒。倚暮艇子。曾繫空餘舊迹。鬱蒼蒼。霧沈半壘。夜深月過女牆來。傷心東望淮水。酒旗戲鼓甚處。市想依稀。王謝鄰里。燕子不知何世。入續詞選 卷一 十 宛鄰書屋 尋常巷陌。人家相對。如說興亡。斜陽裏。

浪淘沙慢

曉陰重。霜凋渚岸。草霧隱城堞。南陌脂車待發。東門帳飲乍闌。正拂面垂楊堪攬。結掩紅淚玉手。親折念漢浦離鴻去。何許經時信音絕。情切望中地。遠天瀾向露冷風清。無人處。耿耿寒漏咽。嗟萬事難忘。惟是輕別翠樽未竭。憑斷雲留取西樓殘月。羅帶光銷。紋衾疊連環。解舊香頓歇。怨歌永瓊壺敲盡。缺恨春去不與人。期弄夜色空餘滿地。梨花雪。

夜飛鵲

河橋送人處。良夜何其斜。月遠墮餘輝。銅盤燭淚已流盡。霏霏霏涼露沾衣。相將散離會處。探風前津鼓。樹杪參旗。花驄會

意縱揚鞭亦自行遲。迢遞路迴清野。人語漸無聞空帶愁歸。何意重經前地。遺鈿不見斜徑。都迷兔葵燕麥。向斜陽影與人齊。但徘徊班草。欲歛酌酒極望天西。

解語花

元宵

風銷焰蠟露挹烘爐。花市光相射。桂花流瓦。纖雲散耿耿素娥。欲下衣裳。淡雅看。楚女纖腰。一把簫鼓。喧人影。參差滿路。飄香麝。因念帝城。放夜望千門。如畫嬉笑。遊冶鈿車羅帕。相逢處。自有暗塵隨馬。年光是也。惟只見舊情衰謝。清漏移。飛蓋歸來。從舞休歌罷。

徐幹臣

仲

二郎神

續詞選

卷一

十一 宛鄰書屋

悶來彈鵲。又攪碎一簾花影。謾試著春衫。還思纖手。熏徹金猊。燼冷動是愁端。如何向。但怪得新來多病。嗟舊日沈腰。而今潘鬢。怎堪臨鏡。重省別時。淚漬羅襟。猶凝料爲我厭厭。日高慵起。長託春醒未醒。雁足不來。馬蹄難去。門掩一庭芳景。空佇立。盡日闌干倚遍。畫長人靜。

陳子高

克

謁金門

愁脈脈。自斷江南江北。烟樹重重。芳信隔小樓。山幾尺。細草孤雲斜日。一晌弄晴天色。簾外落花飛不得。東風無氣力。花滿院。飛去飛來。雙燕紅雨入簾寒。不卷曉屏山。六扇翠袖玉笙。悽斷脈脈。兩蛾愁淺。消息不知。郎近遠。一春長夢見。

柳絲碧柳下人家寒食鶯語匆匆花寂寂玉階春薛濕 閒  
凭熏籠無力心事有誰知得檀炷燒窗燈背壁畫簷殘雨滴  
魯逸仲

南浦

風悲畫角聽單于三弄落譙門投宿駸駸征騎飛雪滿孤村  
酒市漸闌燈火正敲窗亂葉舞紛紛送數聲鶯雁乍離烟水  
嘹唳度寒雲好在半隴淡月到如今無處不銷魂故國梅  
花歸夢愁損綠羅裙爲問暗香閒豔也相思萬點付啼痕算  
翠屏應是兩眉餘恨倚黃昏

葉少蘊

夢得

賀新郎

續詞選

卷一

三

宛鄉書屋

睡起啼鶯語掩蒼苔房櫳向晚亂紅無數吹盡殘花無人見  
惟有垂楊自舞漸暝靄初回輕暑寶扇重等明月影暗塵侵  
上有乘鸞女驚舊恨遠如許江南夢斷橫江渚浪黏天葡  
萄漲綠半空烟雨無限樓前滄波意誰採蘋花寄取但悵望  
蘭舟容與萬里雲颿何時到送孤鴻日斷千山阻誰爲我唱  
金縷

陳去非

與義

臨江仙

憶昔午橋橋上飲坐中都是豪英長溝流月去無聲杏花疏  
影裏吹笛到天明二十餘年成一夢此身雖在堪驚閱登  
小閣眺新晴古今多少事漁唱起三更

趙長卿

臨江仙

過盡征鴻來盡雁故園消息茫然一春憔悴有誰憐懷家寒  
食夜中酒落花天 見說江頭春浪渺殷勤欲送歸船別來  
此處最繁牽短篷南浦雨疏柳斷橋烟

續詞選

卷

三

宛鄰書屋

此詞見於...

合與中郎...

...

...

續詞選卷二

陽湖董毅錄

辛幼安

棄疾

念奴嬌

書東流村壁

野塘花落又匆匆過了清明時節剗地東風欺客夢一枕雲  
屏寒怯曲岸持觴垂楊繫馬此地曾經別樓人去舊遊飛  
燕能說聞道綺陌東頭行人曾見簾底纖纖月舊恨春江  
流不盡新恨雲山千疊料得明朝尊前重見鏡裏花難折也  
應驚問近來多少華髮

滿江紅

敲碎離愁紗窗外風搖翠竹人去後吹簫聲斷倚樓人獨滿  
眼不堪三月暮舉頭已覺千山綠但試把一紙寄來書從頭  
續詞選

卷二

宛齋書屋

干曲

張安國

孝祥

滿江紅

聽雨

斗帳高眠寒窗靜瀟瀟雨意南樓近更移三鼓漏傳一水點  
點不離楊柳外聲聲只在芭蕉裏也不管滴破故鄉心愁人  
耳無似有游絲細聚復散真珠碎天應分付與別離滋味  
破我一牀蝴蝶夢輸他雙枕鴛鴦睡向此際別有好思量人  
千里

程正伯

垓

摸魚兒

掩淒涼黃昏庭院角聲何處鳴咽矮窻曲屋風燈冷還是苦  
寒時節凝竚切念翠被薰籠夜夜成虛設倚窻愁絕聽鳳竹  
聲中犀帷影外簌簌釀寒雪傷心處却憶當年輕別梅花  
滿院初發吹香弄藥無人見惟有暮雲千疊情未徹又誰料  
而今好夢分吳越不堪重說但記得當初重門鎖處猶有夜  
深月

卜算子

獨自上層樓樓外青山遠望到斜陽欲盡時不見西飛燕  
獨自下層樓樓下蛩聲怨待到黃昏月上時依舊柔腸斷

水龍吟

續詞選

卷二

二

宛鄰書屋

夜來風雨匆匆故園定是花無幾愁多怨極等閒孤負一年  
芳意柳困桃慵杏青梅小對人容易算好春長在好花長見  
元只是人憔悴回首池南舊事恨星星不堪重記如今但  
有看花老眼傷時清淚不怕逢花瘦只愁怕老來風味待繁  
紅亂處留雲借月也須揀醉

劉潛夫

克莊

○ 沁園春

夢方  
浮若

何處相逢登寶釵樓訪銅雀臺喚厨人斫就東溟鯨鱸圍人  
呈罷西極龍媒天下英雄使君與操餘子誰堪共酒樽車千  
乘載燕南代北劍客奇才飲酣鼻息如雷誰信被晨雞催  
喚回歎年光過盡功名未立書生老矣機會方來使李將軍

遇高皇帝萬戶侯何足道。或推衣起但淒涼感舊慷慨生哀。  
俞國寶

風入松

一春長費買花錢。日日醉湖邊。玉驄慣識西湖路。驕嘶過沽酒樓前。紅杏香中歌舞。綠楊影裏秋千。暖風十里麗人天。花壓鬢雲偏。畫船載得春歸去。餘情付湖水。湖烟明日重扶殘。醉來尋陌上花鈿。

姜堯章夔

一萼紅 人日登長沙定王臺

古城陰有官梅幾許。紅萼未宜。簪池面冰膠牆腰雪老。雲意還又沈沈。翠藤共閒穿徑。竹漸笑語驚起。卧沙禽野老。林泉續詞選。卷二。三。宛鄰書屋。  
故王臺榭呼喚登臨。南去北來何事。蕩湘雲。楚水日極傷心。朱戶黏雞金盤簇。燕空歎時序。侵尋記曾共西樓雅集。想垂柳還裊萬絲金。待得歸鞍到時。只怕春深。

○長亭怨慢 自序云桓大司馬曰昔年移柳依依漢南今看搖落悽愴江潭樹猶如此人何以堪此語

余深愛之

漸吹盡枝頭香絮。是處人家綠深門戶。遠浦縈迴。暮帆零亂。向何許。閱人多矣。誰得似長亭樹。樹若有情時。不會得青青如此。日暮望高城不見。只見亂山無數。韋郎去也。怎忘得玉環分付。第一是早早歸來。怕紅萼無人爲主。算只有并刀難剪離愁千縷。

○齊天樂 蟋蟀

○齊天樂 蟋蟀

庾郎先自吟愁賦。淒淒更聞私語。露濕銅鋪。苔侵石井。都是曾聽伊處。哀音似訴。正思婦無眠。起尋機杼。曲曲屏山。夜涼獨自甚情緒。西窗又吹暗雨。爲誰頻斷續。相和砧杵候館吟秋。離宮弔月。別有傷心無數。幽詩謾與笑。離落呼燈。世閒兒女。寫入琴絲一聲聲更苦。

念奴嬌

荷花

鬧紅一舸。記年時常與鴛鴦爲侶。三十六陂人未到。水佩風裳無數。翠葉吹涼。玉容消酒。更灑菰蒲雨。嫣然搖動。冷香飛上詩句。日暮青蓋亭亭。情人不見。爭忍凌波去。只恐舞衣寒易落。愁入西風南浦。高柳垂陰。老魚吹浪。留我花閒住。田田多少。幾回沙際歸路。

續詞選

卷二

四

宛鄰書屋

琵琶仙

吳興

雙槳來時有人似。舊曲桃根。桃葉歌扇輕約。飛花蛾眉正奇絕。春漸遠汀洲自綠。更添了。幾聲啼鴂。十里揚州。三生杜牧。前事休說。又還是官燭分烟。奈愁裏匆匆換時節。都把一襟芳思與空階。榆莢千萬。縷藏鴉。細柳爲玉尊起。舞迴雪。想見西出陽關。故人初別。

翠樓吟

武昌安遠樓成

月冷龍沙。塵清虎落。今年漢酺初賜。新翻胡部曲。聽氈幕元戎歌吹。層樓高峙。看檻曲縈紅。簷牙飛翠。人姝麗。粉香吹下。夜寒風細。此地宜有神仙。擁素雲黃鶴與君游戲。玉梯凝望久。歎芳草萋萋千里。天涯情味。仗酒祓清愁。花消英氣。西

山外晚來還捲一簾秋霽

八歸

湖中送胡德華

芳蓮墜粉疏桐吹綠庭院暗雨乍歇無端抱影銷魂處還見  
篠牆螢暗薛階蛩切送客重尋西去路問水面琵琶誰撥最  
可惜一片江山總付與啼鴉長恨相從未款而今何事又  
對西風離別渚寒烟淡棹移人遠縹緲行舟如葉想文君望  
久倚竹愁生步羅襪歸來後翠尊雙飲下了珠簾玲瓏閒看  
月

劉改之

過

賀新郎

老去相如倦向文君說似而今怎生消遣衣袂京塵曾染處

續詞選

卷二

五

宛鄰書屋

空有香紅尚軟料彼此魂消腸斷一枕新涼眠客舍聽梧桐  
疏雨秋風顛燈暈冷記初見樓低不放珠簾捲晚妝殘翠  
蛾狼籍淚痕凝臉人道愁來須殢酒無奈愁深酒淺但託意  
焦琴紈扇莫鼓琵琶江上曲怕荻花楓葉俱淒怨雲萬疊寸  
心遠

楊炎

蝶戀花

稼軒坐間作首句用邱六書中語

檢點笙歌多釀酒不放東風獨自迷楊柳院院翠陰停永晝  
曲闌隨處堪垂手昨日解醒今夕又消得情懷長被春僝  
僽門外馬嘶人去後亂紅不管花消瘦

謝勉仲

愁

浪淘沙

黃道雨初乾。霽靄空蟠。東風楊柳碧毵毵。燕子不歸花有恨。小院春寒。倦客亦何堪。塵滿征衫。明朝野水幾重山。歸夢已隨芳草綠。先到江南。

陸子逸

淞

瑞鶴仙

臉霞紅印枕。睡起來冠兒猶是不整。屏閒麝煤冷。但眉山壓翠淚珠彈粉。堂深畫永。燕交飛。風簾露井。悵無人與說相思。近日帶圍寬盡。重省殘燈朱幌淡。月疏窻。那時風景。陽臺路迥。雲雨夢便無準。待歸來。先指花梢。教看却。把心期細問。問因循過了。青春怎生意穩。刺時之言

續詞選

卷二

六

宛鄰書屋

高賓王

觀國

菩薩蠻

春風吹綠湖邊草。春光依舊湖邊道。玉勒錦障泥。少年遊冶時。烟明花似繡。且醉旗亭酒斜日照。花西歸鴉。花外啼。

史邦卿

達祖

綺羅香

春雨

做冷欺花。將烟困柳。千里偷催春暮。盡日冥迷。愁裏欲飛還住。住驚粉重。蝶宿西園。喜泥潤燕歸南浦。最妨他佳約。風流鉤車不到杜陵路。沈沈江上望極。還被春潮晚急。難尋官渡。隱約遙峰。和淚謝娘眉嫵。臨斷岸新綠生時。是落紅帶愁流處。記當日門掩梨花。剪燈深夜語。

萬年歡

兩袖梅風。謝橋邊、岸痕猶帶。陰雪過了，匆匆燈市，草根青發。燕子春愁未醒，誤幾處芳音。遼絕烟溪上，采萊人歸，定應愁沁花骨。非干厚情易歇。奈燕臺句老，難道離別。小徑吹衣，曾記故里風物。多少驚心舊事，第一是侵階羅襪。如今但柳髮晞，春夜來和露梳月。

東風第一枝

立春

草脚愁回。花心夢醒，香拂散、牛土舊歌。空憶珠簾綵筆，倦題繡戶，粘雞貼燕。想占斷、東風來處。暗惹起、一掬相思，亂藏翠盤紅襪。今夜覓夢池秀句。明日動探花芳緒。寄聲沽酒人家，款約嬉遊伴侶。憐他梅柳，恁忍後天街酥雨。待過了一續詞選

卷二

七

宛鄰書屋

月燈期。日日醉扶歸去。

方巨山

岳

水調歌頭

平山堂用東坡韻

秋雨一何碧。山色倚晴空。江南江北，愁思分付酒螺紅。蘆葉篷舟千里，菰菜蓴羹一夢，無語寄歸鴻。醉眼渺沙河洛，遺恨夕陽中。蘋洲外，山欲暝，斂眉峯。人開俯仰，陳迹歎息兩仙翁。不見當年楊柳，只是從前烟雨，磨滅幾英雄。天地一孤嘯，匹馬又西風。

吳君特

文英

唐多令

何處合成愁。離人心上秋。縱芭蕉不雨也颼颼。都道晚涼天

氣好有明月怕登樓。年事夢中休。花空烟水流。燕辭歸客  
尚淹留。垂柳不繫裙帶住。謾長是繫行舟。

憶舊游

別黃澹翁

送人猶未苦。苦送春隨人去。天涯片紅都飛盡。陰陰潤綠。暗裏啼鴉賦情頓。雪雙鬢飛夢逐塵沙。歎病渴淒涼。分香瘦減兩地看花。西湖斷橋路。想繫馬垂楊。依舊欹斜。葵麥迷烟處。問離巢孤燕。飛過誰家。故人爲寫深怨。空壁掃秋蛇。但醉上吳臺。殘陽草色歸思賒。

蔣勝欲捷

賀新郎

夢冷黃金屋。歎秦箏斜鴻陣。裏素絃塵撲。化作嬌鶯飛歸去。續詞選

卷二

八

宛齋書屋

猶認紗窗舊綠。正過雨。荆桃如菽。此恨難平。君知否。似瓊臺湧起。彈碁局。消瘦影。嫌明燭。鴛樓碎瀉東西。玉問芳踪。何時再展。翠釵難卜。待把宮眉橫雲樣。描上生綃。畫幅怕不是。新來妝束。綵扇紅牙。今都在。恨無人解聽。開元曲。空掩袖倚寒竹。

周公謹密

疏影

梅影

冰條凍葉文橫斜。照水一花初發。素壁秋屏。招得芳魂彷彿。玉容明滅。疏疏滿地珊瑚冷。全誤却。撲花幽蝶。甚美人。忽到窻前。鏡裏好春難折。閒想孤山舊事。浸清漪。倒映千樹殘雪。暗裏東風。可慣無情攪碎。一簾香月。輕妝誰寫。崔徽面認。

隱約烟銷重疊記夢回紙帳殘燈瘦倚數枝清絕

鷓鴣天 清明

燕子時時度翠簾柳寒猶未透香棉落花門巷家家雨新火  
樓臺處處烟 情默默恨慙慙東風吹動畫秋千刺桐開盡  
鶯聲老無柰春風祇醉眠

王聖與 沂孫

南浦 春水

柳下碧粼粼認麴塵乍生色嫩如染清溜滿銀塘東風細參  
差穀紋初遍別君南浦翠眉曾照波痕淺再來漲綠迷舊處  
添却殘紅幾片 蒲萄過雨新痕正拍拍輕鷗翩翩小燕簾  
影蘸樓陰芳流去應有淚珠千點滄浪一舸斷魂重唱蘋花  
續詞選 卷二 九 宛鄰書屋

怨柔香幽徑鴛鴦睡誰道澗裙人遠

水龍吟 落葉

曉霜初著青林望中故國淒涼早蕭蕭漸積紛紛猶墜門荒  
逕怕渭水風生洞庭波起幾番秋杪想重崖半沒千峯盡出  
山中路無人到 前度題紅杳杳迴宮溝暗流空遠啼螿未  
歇飛鴻欲過此時懷抱亂影翻窗碎聲敲砌愁人多少望吾  
廬甚處只應今夜滿庭誰掃

齊天樂 螢

碧痕初化池塘草熒熒野光相趁扇薄星流盤明露滴零落  
秋原飛燐練裳暗近詭穿柳生涼度荷分暝誤我殘編翠囊  
空歎夢無準 樓陰時過數點倚欄人未睡曾賦幽恨漢苑

飄。苔。秦。陵。墜。葉。千。古。淒。涼。不。盡。何。人。爲。省。但。隔。水。餘。輝。傍。林。  
殘。影。已。覺。蕭。疏。更。堪。秋。夜。永。

○ 瑣窗寒

○ 趣。酒。梨。花。催。詩。柳。絮。一。窗。春。怨。疏。疏。過。雨。洗。盡。滿。階。芳。片。數。  
東。風。二。十。四。番。幾。番。誤。了。西。園。宴。認。小。簾。朱。戶。不。如。飛。去。舊。  
巢。雙。燕。曾。見。雙。蛾。淺。自。別。後。多。應。黛。痕。不。展。撲。蝶。花。陰。怕。  
看。題。詩。團。扇。試。憑。他。流。水。寄。情。迦。紅。不。到。春。更。遠。但。無。聊。病。  
酒。厭。厭。夜。月。荼。蘼。院。

張叔夏 炎

○ 南浦 春水

○ 波。暖。綠。粼。粼。燕。飛。來。好。是。蘇。堤。纜。曉。魚。沒。浪。痕。圓。流。紅。去。翻。  
續。詞。選 卷二 十 苑。鄰。書。屋  
○ 笑。東。風。難。掃。荒。橋。斷。浦。柳。陰。撐。出。扁。舟。小。回。首。池。塘。青。欲。遍。  
絕。是。夢。中。芳。草。和。雲。流。出。空。山。甚。年。年。淨。洗。花。香。不。了。新。  
綠。乍。生。時。孤。村。路。猶。憶。那。回。曾。到。餘。情。渺。渺。茂。林。觴。詠。如。今。  
怕。前。度。劉。郎。從。去。後。溪。上。碧。桃。多。少。

○ 憶舊遊

大都長春宮即舊之太極宮也

○ 看。方。壺。擁。翠。太。極。垂。光。積。雪。初。晴。闔。闔。開。黃。道。正。綠。章。封。事。  
飛。上。層。青。古。臺。半。壓。琪。樹。引。袖。拂。寒。星。見。玉。冷。閒。坡。金。明。邃。  
宇。人。住。深。清。幽。篔。自。來。去。對。華。表。千。年。天。籟。無。聲。別。有。長。  
生。路。看。花。開。花。落。何。處。無。春。露。臺。深。鎖。丹。氣。隔。水。喚。青。禽。尙。  
記。得。歸。時。鶴。衣。散。影。都。是。雲。

○ 壺中天

夜渡古黃河與沈堯道曾子敬同賦

揚舫萬里笑當年。底事中分南北。須信平生無夢到。却向而今遊歷。老柳官河斜陽古道。風定波猶直。野人驚問。泛槎何處。狂客迎面綠葉蕭蕭。水流沙共遠。都無行跡。衰草淒迷。秋更綠。惟有閒鷗獨立。浪挾天浮山。邀雲去。銀浦橫空。碧扣舷歌斷。海蟾飛上孤白。

臺城路

庚辰秋九月之北週  
汪菊坡因賦此詞

十年前事。翻疑夢重逢。可憐俱老。水國春空。山城歲晚。無語相看。一笑荷衣換了。任京洛塵沙冷。凝風帽。見說吟情。近來不到謝池草。懽遊曾步翠窈。亂紅迷紫曲。芳意多少。舞扇招香歌榭。喚玉猶憶錢塘小。無端暗惱。又幾度留連。燕昏鶯曉。回首妝樓甚時重。重去好。

續詞選

卷二

十一

宛鄰書屋

甘州

餞沈堯道并  
寄趙學舟

記玉關踏雪事清遊。寒氣脆貂裘。傍枯林古道。長河飲馬。此意悠悠。短夢依然江表。老淚灑西州。一字無題處。落葉都愁。載取白雲歸去。問誰留。楚佩弄影中洲。折蘆花。贈遠零落。一身秋向。等常野橋流水。待招來。不是舊沙鷗。空懷感。有斜陽處。却怕登樓。自注云庚寅歲沈堯道同余北歸各處杭越  
諭歲堯道來問寂寞語笑數日又復別去因

賦此

掃花遊

賦高疏寮  
東墅園

烟霞萬壑。記曲徑幽尋。霽痕初曉。綠窻窈窕。看垂花鬢石。就泉通沼。幾日不來。一片蒼雲未掃。自長嘯。悵喬木荒涼。都是殘照。碧天秋浩渺。聽虛籟泠泠。飛下孤峭。山空翠老。步仙

風怕有采芝人到野色閒門芳草不除更好境深悄比斜川  
又清多少

○ 渡江雲

山陰久客一再逢春  
回憶西杭渺然愁思

山空天入海倚樓望極風急暮潮初一簾鳩外雨幾處閒田  
隔水動春鉏新烟禁柳想如今綠到西湖猶記得當年深隱  
門掩兩三株 愁余荒洲古澗斷梗疏萍更漂流何處空自  
覺圍羞帶減影怯燈孤常疑卽見桃花面甚近來翻笑無書  
書縱遠如何夢也都無

○ 瑣窗寒

旅窗孤寂雨意垂垂買舟西渡未  
能也賦此爲錢塘故人韓竹閒問

亂雨敲春深烟帶晚水窻慵凭空簾謾捲數日更無花影怕  
依然舊時歸燕定應未識江南冷最憐他樹底媽紅不語背  
續詞選 卷二 三 宛鄰書屋

○ 解連環

孤雁

楚江空晚悵離羣萬里恍然驚散自顧影欲下寒塘正沙淨  
草枯水平天遠寫不成書只寄得相思一點歎因循誤了殘  
鴛擁雪故人心眼 誰憐旅愁在再謾長門夜悄錦箏彈怨  
想伴侶猶宿蘆花也曾念春前去程應轉暮雨相呼怕驀地  
玉關重見未羞他雙燕歸來畫簾半捲

○ 憶舊遊

登蓬萊閣

問蓬萊何處風月依然萬里江清休說神仙事便神仙縱有

卽是閒人笑我幾番醒。醉石磴掃松陰。任狂客難招采芳誰  
贈。且自微吟。俯仰成陳迹。嘆百年誰在闌檻孤憑海。日生  
殘夜看卧龍和夢飛入秋冥。還聽水聲東去山冷不生雲。正  
目極空寒蕭蕭漢柏愁茂陵。

○月下笛

孤遊萬竹山中閒門落葉愁思黯然  
因動黍離之感時寓甬東積翠山舍

萬里孤雲清遊漸遠故人何處寒窻夢裏猶記經行舊時路  
連昌約畧無多柳第一是難聽夜雨謾驚回淒悄相看竹影  
擁衾誰語張緒歸何暮半零落依依斷橋鷗鷺天涯倦旅  
此時心事良苦只愁重灑西州淚問杜曲人家在否正翠袖  
天寒又倚梅花那樹

○綺羅香

怨葉

續詞選

卷二

三

宛鄰書屋

萬里飛霜千山落木寒豔不招春妒楓冷吳江獨客又吟愁  
句正船艤流水孤村似花繞斜陽芳樹甚荒溝一片淒涼載  
情不去載愁去長安誰問倦旅羞見衰顏借酒飄零如許  
謾倚新妝不入洛陽花譜爲回風起舞樽前盡化作斷霞千  
縷記陰陰綠遍江南夜窻聽暗雨

○疏影

梅影

黃昏片月似滿地碎陰還更清絕枝北枝南疑有疑無幾度  
背燈難折依稀倩女離魂處緩步出前村時節看夜深竹外  
橫斜應妒過雲明滅窺鏡蛾眉淡掃爲容不在貌獨抱孤  
潔莫是花光描取春痕不怕麗譙吹徹還驚海上燃犀去照  
水底珊瑚疑活做弄得酒醒天寒空對一庭香雪

梅子黃時雨

病後別羅江諸友

流水孤村愛塵事。頓消來訪深隱向。醉裏誰扶滿身花影。鷓鴣相看如瘦。近來不是傷春病。嗟流景竹外野橋猶繫烟艇。誰引斜川歸興。便啼鵲縱少無奈時聽待棹擊空明。烟波千頃。彈到琵琶。留不住。最愁人是黃昏。近江風緊。一行柳陰吹暝。

渡江雲

懷歸

江山居未定。貂裘已敝。空自帶愁歸。亂花流水外。訪里尋鄰。都是可憐時。橋邊燕子似軟語。斜日江離。休問我如今心事。錯認鏡中誰。還思新烟。驚換舊雨。難招做不成春意。渾未省。誰家芳草。猶夢吟詩。一株古柳。觀魚港。傍清深。足可幽棲。閒趣好。白鷗尙識天隨。

慶清朝

韓亦顏歸隱。兩水之濱。予從之遊。故懷吟眺。一任所適。太白去後三百年。無此樂也。

淺草猶霜融。泥未燕晴梢。潤葉初乾。閒扶短策。鄰家小聚。清歡錯認。籬根是雪。梅花過了一番。寒風還峭。較遲芳信。却是春殘。此境此時。此意待攜琴。獨去石冷。慵彈飄飄爽氣。飛鳥相與俱還。醉裏不知何處好。詩盡在夕陽。山山深杳。更無人到。流水花閒。

探春慢

雪霽

銀浦流雲。綠房迎曉。一抹牆腰月淡。煖玉生烟。懸冰解凍。碎滴瑤階如霰。纔放些晴意。早瘦了梅花一半。也知不做花看。東風何事。吹散。搖落似成秋苑。甚釀得春來。怕教春見。野

渡舟回前村門掩應是不勝清怨次第尋芳去灞橋外蕙香  
波暖猶妒簷聲看燈人在深院

○ 渡江雲

次趙元  
父韻

錦香繚繞地深燈挂壁簾影浪花斜酒船歸去後轉首河橋  
那處認紋紗重盟鏡約還記得前度秦嘉惟只有葉題堪寄  
流不到天涯 驚嗟十年心事幾曲闌干想蕭娘聲價閒過  
了黃昏時候疏柳啼鴉浦潮夜湧平沙白問斷鴻知落誰家  
書又遠空江片月蘆花

○ 臺城路

送周方  
山遊吳

朗吟未了西湖酒驚心又歌南浦折柳官橋呼船野渡還憶  
五湖風雨漂流最苦況如此江山此時情緒怕有鴟夸笑人  
續詞選 卷二 五 苑鄰書屋  
何事載詩去 荒臺祇今在否登臨休望遠都是愁處暗草  
埋沙明波洗月誰念天涯羈旅荷陰未暑快料理歸程再盟  
鷗鷺只恐空山近來無杜宇

○ 長亭怨

舊居  
有感

望花外小橋流水門巷悄悄玉簫聲絕鶴去臺空珮環何處  
弄明月十年前事愁千折心情頓別露粉風香誰爲主都成  
消歇 淒咽曉窗分袂處同把帶鴛親結江空歲晚便忘了  
尊前曾說恨西風不庇寒蟬便掃盡一林殘葉謝他楊柳多  
情還有綠陰時節

○ 甘州

寄李  
筠房

望娟娟一水隱芙蓉幾被暮雲遮正憑高送目西風斷雁殘

月平沙未覺丹楓盡老搖落已堪嗟無避秋聲處愁滿天涯  
一自盟鷗別後甚酒瓢詩錦輕誤年華料荷衣初煖不忍  
負烟霞記前度剪燈一笑再相逢知在那人家空山遠白雲  
休贈只贈梅花

○ 憶舊遊 寄友

記瓊筵卜夜錦檻移春同惱鶯嬌暗水流花徑正無風院落  
銀燭遲銷闌枝淺壓髻鬢香臉泛紅潮甚如此心情還將樂  
事輕趁冰消飄零又成夢但長歌嫋嫋柳色迢迢一葉江  
心冷望美人不見隔浦難招認得舊時鷗鷺重過月明橋  
萬里天風清聲謾憶何處簾簾宋句鸞字疑衍此調各家皆同玉田諸作亦無異非別有一體可知

續詞選 卷二

○ 聲聲慢 寄葉書隱

百花洲畔十里湖邊沙鷗未許盟寒舊隱琴書猶記渭水長  
安蒼雲數千萬疊却依然一笑人閒似夢裏對清尊白髮秉  
燭更闌渺渺烟波無際喚扁舟欲去且與憑闌此別何如  
能消幾度陽關江南又聽夜雨怕梅花零落孤山歸最好甚  
閒人猶自未閒

吳彥高 激

○ 春從天上來

自序云會寧府遇老姬善鼓瑟自言梨園舊籍因感賦此

海角飄零歎漢苑秦宮墜露飛螢夢回天上金屋銀屏歌吹  
競舉青冥問當時遺譜有絕藝鼓瑟湘靈促哀彈似林鶯啞  
嘒山溜泠泠梨園太平樂府醉幾度春風鬢髮星星舞徹

中原塵飛滄海風雪萬里龍庭寫胡笳幽怨人憔悴不似丹青酒微醒對一軒涼月燈火青燐

○ 德祐太學生

○ 百字令

德祐乙亥

半堤花雨對芳辰消遣無奈情緒春色尙堪描畫在萬紫千紅塵土鷗促歸期鶯收佞舌燕作留人語遶欄紅藥韶華留此孤圭 眞箇恨殺東風幾番過了不似今番苦樂事賞心磨滅盡忽見飛書傳羽湖水湖烟峰南峰北總是堪傷處新塘楊柳小腰猶是歌舞

見湖海新聞三四謂衆宮女行五謂朝士去六謂臺官默七指太學上書

八九謂只陳宜中在東風謂賈似道飛書傳羽北軍至也新塘楊柳謂賈妾

○ 祝英臺近

德祐乙亥

續詞選

卷二

七

宛鄰書屋

倚危欄斜日暮鸞鸞甚情緒穉柳嬌黃全未禁風雨春江萬里雲濤扁舟飛渡那更聽塞鴻無數 歎離阻有恨流落天涯誰念泣孤旅滿目風塵冉冉如飛霧是何人惹愁來那人何處怎知道愁來不去

穉柳謂幼君嬌黃謂太后扁舟飛渡謂北軍至塞鴻指流民也人惹愁來

謂賈出那人何處謂賈去

李易安

清照

○ 賣花聲

簾外五更風吹夢無踪畫樓重上與誰同記得玉釵斜撥火寶篆成空 回首紫金峰雨潤烟濃一江春浪醉醒中留得羅襟前日淚彈與征鴻

朱淑真

謁金門

春已半觸目此情無限十二闌干閒倚遍愁來天不管  
好是風和日暖輸與鶯鶯燕燕滿院落花簾不卷斷腸芳草遠

徐君寶妻

滿庭芳

漢上繁華江南人物尙遺宣政風流綠窻朱戶十里爛銀鉤  
一旦刀兵齊舉旌旗擁百萬貔貅長驅入歌樓舞榭風捲落  
花愁 清平三百載典章人物掃地都休幸此身未北猶客

南州破鑑徐郎何在空惆悵相見無由從今後斷魂千里夜

夜岳陽樓徐君寶妻岳州人被掠至杭其主者數欲犯之輒

者許諾乃焚香再拜

題詞壁上投池中死

續詞選

卷二

六

宛鄰書屋



1408

160

銘

